

五代史記注

五代史記卷第五上

廬陵歐陽脩撰

徐無黨原注

南昌彭元瑞注

劉鳳誥排次

唐本紀第五

存勗克用長子也

五代史莊宗光聖神閔孝皇帝諱存勗武皇帝之長子也母曰貞簡皇后

曹氏以唐光啟元年歲在乙巳冬十月二十二日癸亥生帝于晉陽宮姪時曹后嘗夢神人黑衣擁扇夾侍左右載誕之辰紫氣出于牕戶及爲嬰兒體貌奇特沈厚不羣武皇特所鍾愛

初克用破孟方

立于邢州還軍上黨置酒三垂崗伶人奏百年歌至于衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十

年其能代我戰于此乎存最年十一從克用破王行瑜

遣獻捷于京師

五代史纂誤今按唐書本紀并王行瑜傳克用以昭宗乾寧二年冬破斬王行

瑜是年歲在乙卯若是時莊宗年十一則當以乙巳生

然莊宗紀末云同光四年四月莊宗崩其注云年四十

三是歲丙戌推其生年則莊宗合以甲辰生此其證一

也又唐廢帝紀云莊宗呼帝小字曰阿三不徒與我同

年其敢戰亦類我按廢帝崩時年五十三是歲丙申推

其生年亦合是甲辰生此其證二也又按莊宗紀克用

破孟方立於邢州還軍上黨置酒三垂岡時莊宗在側

方五歲而孟方立傳云文德元年方立乞兵于王鎔以

攻晉乃遣將奚忠信攻晉遼州忠信大敗晉兵乘勝攻

之文德元年歲在戊申時莊宗方五歲推其生年則亦

合是甲辰生此其證三也由此言之則莊宗從破王行

瑜獻捷時當為年十二也案五代會要及薛史俱云莊

宗以乙巳年生四十二是歐陽史本昭宗異其狀貌賜

不誤惟徐無黨注作四十三為誤耳

以鵲鵲卮翡翠盤而撫其背曰兒有奇表後當富貴無

忘予家

五代史及武皇之計王行瑜帝時年十一從行初令入覲獻捷迎駕還宮昭宗一見駭之曰此

兒有奇表因撫其背曰兒將來之國棟也勿忘忠孝于予家因賜鵝鵠酒厄翡翠盤賊平授檢校司空隰州刺

史改汾晉二郡皆遙領之北夢瑣言後唐莊宗年十一從晉王討王行瑜初令入覲獻捷昭宗一見駭異之

曰此子有奇表乃撫其背曰兒將來之國棟勿忘忠孝於吾家乃賜鵝鵠酒厄翡翠盤十三讀春秋畧知大義

騎射絕倫其心豁如採錄善言聽納容物殆劉聰之比也又云昭宗曰此子可亞其父時人號曰亞子及

長善騎射膽勇過人稍習春秋通大義尤喜音聲歌舞

俳優之戲

五代史帝洞曉音律常令歌舞于前十三習春秋手自繕寫畧通大義及壯便射騎膽畧

絕人其心豁如也武皇起義雲中部下皆北邊勁兵及破賊迎鑾功居第一由是稍優寵土伍因多不法或陵

侮官吏豪奪士民白晝剽攘酒博喧競武皇緩于禁制唯帝不平之因從容啟于武皇武皇依違之及安塞不

利之後時事多難梁將氏叔琮康懷英頻犯郊圻土疆日蹙城門之外鞠為戰場武皇憂形于色帝因啟曰夫

盛衰有常理禍福繫神道家世三代盡忠王室勢窮力
屈無所愧心物不極則不反惡不極則不亡今朱氏攻
逼乘輿窺伺神器陷害良善誣誑神祇以臣觀之殆其
極矣大人當遵養時晦以待其衰何事輕爲沮喪太祖
釋然因奉觴作樂而罷及滄州劉守文爲梁朝所攻其
父仁恭遣使乞師武皇恨其翻覆不時許之帝白曰此
吾復振之道也不得以嫌怨介懷且九分天下朱氏今
有六七趙魏中山在佗無下賊所憚者唯我與仁恭爾
我之興衰繫此一舉不可失也太祖乃徵天祐五年正
兵于燕攻取潞州旣而丁會果以城來降天祐五年正
月卽王位于太原五代史天祐五年春正月武皇疾篤
愛此子志氣遠大可付後事唯卿等所教及武皇厭代
帝乃嗣王位于晉陽時年二十有四汴人方寇潞州周
德威宿兵于亂柳以軍城易帥竊議惘惘訛言播于行
路帝方居喪將吏不得謁見監軍使張承業排闥至廬
所言曰夫孝在不墜家業不同匹夫之孝且君父厭世
嗣主未立竊慮兇猾不逞之徒有懷覬望又汴寇壓境
利我凶衰苟或搖動則倍張賊勢訛言不息懼有變生
請依顧命墨綬聽政保家安親此惟大孝帝于是始聽

斷大事 五代會要天祐五年正月嗣晉王位 冊府
元龜莊宗初嗣晉王時長柳巷田家有桃樹伐已經年
舊坎仍在其仆木一朝屹然而起行數十步復於舊坎
其家驚駭蒼黃散走議者以漢昭帝時上林仆木起立
生枝蟲蠹成文而宣帝興今木理成文仆而重起亦李
氏中興之符也又天祐十七年幽州人於田中得金印
文曰關中龜印李紹宏使人送於行臺議者曰關中列
聖所都龜者卜年之物符璽傳授之器湮落在田乃今
復見蓋王者 叔父克寧殺都虞候李存質倖臣史敬鎔
受命之符也 告克寧謀叛二月執而戕之 五代史時振武節度使克
蕃漢馬步都知兵馬使典握兵柄帝以軍府事讓季父
曰兒年幼稚未通庶政雖承遺命恐未能彈壓季父處
德俱高衆情推伏且請制置軍府俟兒有立聽季父處
分克寧曰亡兄遺命屬在我兒孰敢異議因率先拜賀
初武皇獎勵戎功多畜庶孽衣服禮秩如嫡者六七輩
比之嗣王年齒又長部下各綰強兵朝夕聚議欲謀爲
亂及帝紹統或強項不拜鬱鬱憤惋託疾廢事會李存
顯以陰計干克寧曰兄亡弟立古今舊事季父拜姪禮

所未安克寧妻素剛狠因激怒克寧陰圖禍亂存顯欲于克寧之第謀害張承業李存璋等以并汾九州歸附于梁送貞簡太后為質克寧意將激發乃擅殺大將李存質請授已雲州節度使割蔚朔應三州為屬郡帝悉俞允然知其陰禍有日矣克寧俟帝過其第則圖竊發時幸臣史敬鎔者亦為克寧所誘盡得其情乃來告帝帝謂張承業曰季父所為如此無猶子之情骨月不可自相魚肉予當避路則禍亂不作矣承業曰臣受命先王言猶在耳存顯輩欲以太原降賊王欲何路求生不即誅除亡無日矣因召吳珙李存璋李存敬朱守殷諭其謀眾咸憤怒二月壬戌命存璋伏甲以誅克寧遂靖其難是月唐少帝崩于曹州梁祖使人酖之也帝聞之舉哀且以先王之喪叔父之難告周德威德威自亂柳還軍太原五代史三月周德威尚在亂柳梁將李思安屢為德威所敗閉壁不出是時梁祖自將兵至澤州以劉知俊為招討使以代思安以范君實劉重霸為先鋒牛存節為撫遏統大軍營于長子四月帝召德威軍梁夾城兵聞晉有大喪德威軍且去因頗懈王歸晉陽

謂諸將曰梁人幸我大喪謂我少而新立無能爲也宜乘其怠擊之乃出兵趨上黨行至三垂岡歎曰此先王置酒處也會天大霧晝暝兵行霧中攻其夾城破之梁軍大敗凱旋告廟五代史汴人既見班師知我國禍以爲潞州必取援軍無俟再舉遂停斥侯梁祖亦自澤州歸洛帝知其無備乃謂諸將曰汴人聞我有喪必謂不能興師又以其少年嗣位未習戎事必有驕怠之心若簡練兵甲倍道兼行出其不意以吾憤激之衆擊彼驕惰之師拉朽摧枯未云其易解圍定霸在此一役甲子軍發自太原已至潞州北黃碾下營五月辛未朔晨霧晦帝率親軍伏三垂岡下詰旦天復昏霧進軍直抵夾城時李嗣源總帳下親軍攻東北隅李存璋王霸率丁夫燒寨斫夾城爲二道周德威李存審各分道進攻軍士鼓譟三道齊進李嗣源壞夾城東北隅率先掩擊梁軍大恐南向而奔投戈委甲噓塞行路斬萬餘級獲其將副招討使符道昭泊大將三百人芻粟百萬梁招討使康懷英得百餘騎出天井關

而遁梁祖聞其敗也既懼而歎曰生子當如是李氏不
亡矣吾家諸子乃豚犬爾初唐龍紀元年帝纔五歲從
武皇校獵于三垂崗崗上有元宗原廟在焉武皇于祠
前置酒樂作伶人奏百年歌者陳其衰老之狀聲調悽
苦武皇飲滿將鬚指帝曰老夫壯心未已二十年後此
子必戰于此及是役也果符其言焉是月周德威乘勝
攻澤州刺史王班登城拒守梁將劉知俊自晉絳將兵
赴援德威退保高平帝遂班師于晉陽告廟飲至賞勞
有差乃下令于國中禁賊盜恤孤寡徵隱逸止貪暴峻
隄防寬獄訟替月之間其俗丕變帝每出于路遇饑寒
者必駐馬而臨問之由是人情大悅王霸之業自茲而
基矣六月鳳翔李茂貞邠州楊崇本合西川王建之師
五萬以攻大安遣使會兵于帝帝遣張承業率師赴之
九月蜀王王建岐王李茂

貞及楊崇本攻梁大安晉亦遣周德威攻其晉州敗梁

軍于神山

五代史九月月邠岐蜀三鎮復大舉攻長安遣

威與梁將尹皓戰于神山北梁人大敗是時晉之六年
騎將夏侯敬受以一軍奔于梁德威乃退保隰州

劉知俊叛梁來乞師王自將至陰地關遣周德威攻晉

州敗梁軍于蒙院五代史天祐六年秋七月邠岐二帥及梁之叛將劉知俊俱遣使來告將

大舉以伐靈夏兼收關輔請出兵晉絳以張兵勢八月

帝御軍南征先遣周德威李存審丁會統大軍出陰地

關攻晉州為地道壞城二十餘步城中血戰拒七年五

守梁祖遣楊師厚領兵赴援德威乃收軍而退五代史天祐七年秋七月鳳翔李茂貞邠州楊崇本皆遣使來會兵同討靈夏且言劉知俊三敗汴軍于寧州靈夏

危蹙岐隴之師大舉決取河西帝令周德威將兵萬人

西渡河以應之是役也劉知俊為岐人所構乃自退九

月德威班師冬梁遣王景仁攻趙趙王王鎔來乞師諸將皆疑鎔詐未可出兵王不聽乃救趙五代史冬十月梁祖遣大將李思安楊師

厚率師營于澤州以攻上黨十一月鎮州王鎔遣使來

求援是時梁祖以羅紹威初卒全有魏博之地因欲兼

并鎮定遣供奉官杜廷隱丁延徽督魏軍三千人入于

徐觀勝負唯帝獨斷堅欲救之乃遣周德威率軍屯于趙州是月行營都招討使丁會卒十二月丁巳朔梁祖聞帝軍屯趙州命宰相國軍節度使王景仁爲北行營招討使韓勅爲副相州刺史李思安爲前鋒會魏州之兵以計王鎔又令閻寶王彥章率二千騎會景仁于邢洛丁丑景仁營于栢鄉帝遂親征自贊皇縣東下辛巳至趙州與周德威兵合帝令史建瑭以輕騎嘗寇獲芻牧者二百人問其兵數精兵七萬是日帝觀兵于石橋南詰旦進兵距栢鄉一舍周德威史建瑭率蕃落勁騎以挑戰四面馳射梁軍閉壁不出乃退翼日進兵距栢鄉五里遣騎軍逼其營梁將韓勅李思安率步騎三萬鎧甲炫曜其勢甚盛分道以薄帝軍德威且戰且退距河而止旣而德威偵知梁人造浮橋乃退保高邑乙酉致師于栢鄉帝禱戰于光武廟栢鄉無芻粟之備梁軍以樵采爲給爲帝之游軍所獲由是堅壁不出到屋茅坐席以秣馬衆心益恐八年正月敗梁軍于栢鄉斬首二萬級獲其將校三百人馬三千匹五代史天祐八年正月丁亥周德威史建瑭帥三千騎致師于栢鄉設伏于村塢間遣三百騎直壓其營梁將怒悉

其軍結陣而來德威與之轉戰至高邑南梁軍列陣橫
亘六七里時帝軍未成列李存璋引諸軍陣于野河之
上梁軍以五百人爭橋鎮定之師與血戰梁軍敗而復
整者數四帝與張承業登高觀望梁人戈矛如束申令
之後蹕聲若雷王師進退有序步騎嚴整寂然無聲帝
臨陣誓衆人百其勇短兵旣接無不奮力梁有龍驤神
威拱宸等軍皆武勇之士也每一人鎧仗費數十萬裝
以組繡飾以金銀人望而畏之自巳及午騎軍接戰至
晡梁軍欲抽退塵埃漲天德威周麾而呼曰汴人走矣
帝軍齊譟以進魏人收軍漸退李嗣源率親軍與史建
瑭安金全兼北都吐渾諸軍衝陣夾攻梁軍大敗棄鎧
投仗之聲震動天地龍驤神威神捷諸軍殺戮殆盡白
陣至栢鄉數十里殭屍枕籍敗旗折戟所在蔽地夜漏
一鼓帝軍入栢鄉梁軍輜重帳幄資財奴僕皆爲帝軍
所有梁將王景仁韓勅李思安等以數十騎夜遁是役
也斬首二萬級獲馬三千匹鎧甲兵仗七萬輜車鍋幕
不可勝計擒梁將陳思權以下二百八十五人帝號令
收軍于趙州旣而梁人棄深冀二州而遁初杜廷隱之
襲深冀也聲言分兵就食時王鎔將石公立戍深州欲
杜關不納鎔遽令啟關命公立移軍于外廷隱遂據其

城公立既出指城闔而言曰開門納盜後悔何追此城數萬生靈生爲俘馘矣因投刃泣下數日廷隱閉城殺鎮兵數千人遂登陴拒守王鎔方命公立攻之卽有備矣及栢鄉之敗兩州之人悉爲奴虜老弱者皆坑之又李紹文鄆州人本姓張名從楚少事朱宣爲帳下宣敗歸于梁祖爲四鎮牙校累典諸軍天祐八年從王景仁戰敗于栢鄉紹文與別將曹儒收殘衆退保相州王師之攻魏州也紹文率衆自黎陽將渡河時汴人大恐河無舟楫紹文懼爲王師所逼乃剽黎陽臨河內黃至魏州歸于莊宗莊宗嘉納之賜姓名分其兩將三千人爲左右匡霸軍旅仍令紹文曹儒分將之從周德威討劉守光進檢校司空移將匡衛軍十二年授博州刺史預破劉鄩于故元城厯貝隰代三郡刺史領天雄軍馬步副都將屯于德勝從閻寶討張文禮爲馬步軍都虞候明宗收鄆州以紹文爲右都押衙馬步軍都將從破王彥章于中都同光中厯徐滑二鎮副使知府事三年從郭崇韜討西川爲洋州節度使尋卒于鎮江進攻邢州軍節度天成初爲武信軍節度使尋卒于鎮

不下畱兵圍之去攻魏別遣周德威徇梁夏津高唐攻

博州破東武朝城遂擊黎陽臨河淇門掠新鄉共城燕

王劉守光聞晉攻梁深入乃大治兵聲言助晉王忠之

乃旋師五代史已亥遣史建瑄周德威徇地于邢魏先

滑諸郡縣檄天祐八年正月周德威等破賊徇地邢洛

先馳檄諭邢洛魏博衛滑諸郡縣曰王室遇屯七廟被

陵夷之酷昊天不弔萬民罹塗炭之災必有英主奮庸

忠臣仗順斬長鯨而清四海靖祆祲以泰三靈予位忝

維城任當分闕念茲顛覆詎可晏安故仗桓文輔台之

規問羿浞凶狂之罪逆溫湯山庸隸巢孽餘凶當僖宗

奔播之初我太祖掃平之際束身泥首請命牙門苞藏

奸詐之心惟示婦人之態我太祖俯憐窮鳥曲為開懷

特發表章請帥梁汴纔出荏蒹之澤便居茅社之尊殊

不感恩遽行猜忍我國家祚隆周漢迹盛伊唐二十聖

之鎡基三百年之文物外則五侯九伯內則百辟千官

或代襲簪纓或門傳忠孝皆遭陷害永抱沉寃且鎮定

兩藩國家巨鎮冀安民而保族咸屈節以稱藩逆溫唯

仗陰謀專行不義欲全吞噬先據屬州趙州特發使車

五才言卷之二

來求援助予情惟盪寇義切親仁躬率賦輿赴茲盟約
賊將王景仁將兵十萬屯據栢鄉遂驅三鎮之師授以
七擒之畧鶴鷺攙列梟獍大奔易如走坂之勢若燎
原之火僵尸仆地流血成川組甲雕戈皆投草莽謀夫
猛將盡作俘囚羣凶既快于天誅大憝須垂于鬼錄今
則選蒐兵甲簡練車徒乘勝長驅翦除元惡凡爾魏博
邢洛之衆感恩懷義之人乃祖乃孫爲聖唐赤子豈徇
虎狼之黨遂忘覆載之恩蓋以封豕長蛇馮陵薦食無
方逃難遂被脅從空嘗膽以銜冤竟無門而雪憤旣聞
告捷想所慰懷今義旅徂征止于招撫昔耿純焚廬而
向順蕭何舉族以從軍皆審料興亡能圖富貴殊勲茂
業翼子貽孫轉禍見幾決在今日若能詣轅門而效順
開城堡以迎降長官則改補官資百姓則優加賞賜所
經註誤更不推窮三鎮諸軍已中嚴令不得焚燒廬舍
剽掠馬牛但仰所在生靈各安耕織予恭行天罰罪止
元凶已外歸明一切不問凡爾士衆咸諒予懷五代
史帝御親軍南征庚子至洛州梁祖令其將徐仁浦將
兵五百夜入邢州張承業李存璋以三鎮步兵攻邢州
遣周德威史建瑋將三千騎長驅至瀘魏帝與李嗣源
率親軍繼進二月戊午師次洹水周德威進至臨河已

未魏帥羅周翰出兵五千塞石灰窰口周德威以騎掩
擊迫入觀音門是日王師迫魏州帝舍于狄公祠西周
翰閉壁自固帝軍攻之其城幾陷帝歎曰子爲兒童時
從先王渡河今其志矣方春桃花水滿思一觀之誰從
予者癸亥帝觀河于黎陽是時梁祖發兵萬餘將渡河
聞王師至棄舟而退黎陽都將張從楚曹儒以部下兵
三千人來降立其軍爲左右匡霸使乙丑周德威自臨
清徇地貝郡攻博州下東武朝城時涇州刺史張可臻
棄城而遁遂攻黎陽下臨河淇門庚午梁祖在洛聞王
師將攻河陽率親軍屯白馬坡壬申帝下令班師帝至
趙州王鎔迎謁翼日大饗諸軍壬午帝發趙州歸晉陽
畱周德威戍趙州三月己丑鎮定州各遣使言幽州劉
守光凶僭之狀請推爲尙父以稔其惡乙未帝至晉陽
官召監軍張承業諸將等議幽州之事乃遣牙將戴漢
超齎墨制并六鎮書推劉守光爲尙書令尙父守光由
是因熾日甚遂邀六鎮奉冊五月六鎮使至幽梁使亦
集是月梁祖遣都招討使楊師厚將兵三萬屯邢州帝
令李嗣昭出師掠相衛而還通鑑考異莊宗實錄三
月己丑鎮州遣押衙劉光業至言劉守光凶淫縱毒欲
自尊大請稔其惡以咎之推爲尙父乙未上至晉陽宮

召張承業諸將等議討燕之謀諸將亦云宜稔其惡上
令押衙戴漢超持墨制及六鎮書如幽州其辭曰天祐
八年三月二十七日天德軍節度使宋瑤振武節度使
周德威昭義節度使李嗣昭易定節度使王處直鎮州
節度使王鎔河東節度使尚書令晉王謹奉冊進盧龍
橫海等軍節度使檢校太尉中書令燕王爲尚書令尚父
五月六鎮使至汴使亦集六月七月會趙王王鎔于承
守光令有司定尚父採訪使議
天軍五代史秋七月帝會王鎔于承天軍鎔武皇之友
子昭誨從行也帝奉之盡敬捧卮酒爲壽鎔亦奉酒醺帝鎔幼
因許爲婚劉守光稱帝于燕五代史八月甲子幽州
年號應天九月庚子梁祖將親軍自洛渡河而北至相
州聞帝軍未出乃止十月幽州劉守光殺帝之行人李
承勲忿其不行朝禮也十一月辛丑燕人侵易定王處
直來告難十二月甲子帝遣周德威劉光濬李嗣源及
諸將率蕃漢之兵發晉陽九年正月遣周德威會鎮定以
攻燕守光求救于梁梁軍攻趙屠棗彊李存審擊走之

五代史天祐九年春正月庚辰朔周德威等自飛狐東
下丙戌會鎮定之師進營祁溝庚子次涿州刺史劉知
溫以城歸順德威進迫幽州守光出兵拒戰燕將王行
方等以部下四百人來奔二月庚戌朔梁祖大舉河南
之衆以援守光以陝州節度使楊師厚爲招討使河陽
李周彝爲副青州賀德倫爲應接使鄆州袁象先爲副
甲子梁祖自洛陽趨魏州遣楊師厚李周彝攻鎮州之
棗強命賀德倫攻蓳縣三月壬午梁祖自督軍攻棗強
甲申城陷屠之時李存審與史建瑭以三千騎屯趙州
相與謀曰梁軍若不攻蓳城必西攻深冀吾王方北伐
以南鄙之事付我輩豈可坐觀其弊乃以八百騎趨冀
州扼下博橋令史建瑭李都督分道擒生翼日諸軍皆
至獲芻牧者數百人盡殺之縱數人逸去且告晉王至
矣建瑭與李都督各領百餘騎旗幟軍號類梁軍與芻
牧者雜行暮及賀德倫營門殺守門者縱火大呼俘斬
而旋又執芻牧者斷其手令迴梁軍乃夜遁蓳人持鉏
耰白挺追擊之悉獲其輜重梁祖聞之大駭自棗強馳
歸貝州殺其將張正言許從實朱彥柔以其亡師于蓳
故也梁祖先抱痼疾因是愈甚辛丑滄州都將張萬進
殺畱後劉繼威自爲滄帥遣人送款于梁亦乞降于帝

戊申周德威遣卒存暉攻瓦橋關下之四月丁巳梁祖自魏南歸疾篤故也戊申李嗣源攻瀛州拔之五月乙卯朔周德威大破燕軍于羊頭岡擒大將軍延珪斬首五千餘級德威自涿州進軍于幽州營于城下閏月己酉攻其西門燕人出戰敗之六月戊寅梁祖為其子友珪所弑友珪僭即帝位于洛陽八月朱友

謙以河中叛于梁來降梁遣康懷英討友謙友謙復臣

于梁而亦陰附于晉

五代史秋八月朱友珪遣其將韓勅康懷英牛存節率兵五萬急攻

河中朱友謙遣使來求援帝命李存審率師救之十月癸未帝自澤州路赴河中遇梁將康懷英于平陽破之斬首千餘級追至白徑嶺朱友謙會帝于猗氏梁軍解圍而去庚申周德威報劉守光三遣使乞和不報丁卯燕將趙行十年五代史天祐十年春正月丁巳周德威實來奔攻下安遠軍獲燕將一十八人庚寅梁朱友珪為其將哀象先所殺均王友貞即位于汴州丙申周德威報檀州刺史陳確以城降三月甲辰朔收盧臺軍乙丑收古北口時居庸關使胡令珪等與諸戍將相繼挈族來奔

丙寅武州刺史高行珪遣使乞降時劉守光遣愛將元
行欽牧馬于山北間行珪有變率戍兵攻行珪行珪遣
其弟行溫爲質且乞應援周德威遣李嗣源李嗣本安
金全率兵救武州降元行欽以歸四月甲申燕將李暉
等二十餘人舉族來奔德威攻幽州南門壬辰劉守光
遣使王遵化致書哀祈于德威德威戲遵化曰大燕皇
帝尙未郊天何怯劣如是耶守光再遣哀祈德威乃以
狀聞已亥劉光濬攻下平州獲刺史張在吉五月壬寅
朔光濬進迫營州刺史楊靖以城降乙巳梁將楊師厚
會劉守奇率大軍侵鎮州時帝之先鋒將史建瑬自趙
州率五百騎入眞定師厚大掠鎮冀之屬邑王鎔告急
于周德威德威分兵赴援師厚移軍寇滄州張萬進懼
遂降于梁六月壬申朔帝遣監軍張承業至幽州與周
德威會議軍事秋七月承業與德威率千騎至幽州西
守光遣人持信箭一隻乞脩和好承業曰燕帥當令子
弟一人爲質則可是日燕將司全爽等十一人並舉族
來奔辛亥德威進攻城門壬子賊將楊師貴等五十
人來降甲子五院軍使李信攻下莫州時守光繼遣人
乞降將緩帝軍陰令其將孟脩阮通謀于滄州節度使
劉守奇及求援于楊師厚帝之游騎擒其使以獻是月

帝會王鎔于天長九月劉守光率眾夜出遂陷順州十月劉守光請降王如幽州

守光背約不降攻破之

五代史冬十月己巳朔守光帥七百騎步軍五千夜入檀州庚

午周德威自涿州將兵蹕之王申守光自檀州南山而遁德威追及大敗之獲大將李劉張景紹及將吏八百五十人馬一百五十匹守光得百餘騎而遁入山谷德威急馳扼其城門守光惟與親將李小喜等七騎奔入燕城已丑守光遣牙將劉化脩周遵業等以書幣哀祈德威庚寅守光乘城以病告復令人獻自乘馬玉鞍勒易德威所乘馬而去俄而劉光濬擒送守光僞殿直二十五人于軍門守光又乘城謂德威曰予俟晉王至即泥首俟命祈德威即馳驛以聞十一月己亥朔帝下令親征幽州甲辰發晉陽已未至范陽辛酉守光奉禮幣歸欵于帝帝單騎臨城邀守光辭以作日蓋為其親將李小喜所扼也是夕小喜來奔帝下令諸軍詰旦攻城王戌梯轡並進軍士畢登帝登燕丹塚以觀之有頃擒劉仁恭以獻癸亥帝入燕城諸將畢賀十二月庚午墨制授周德威幽州節度使癸酉檀州燕樂縣人執劉守光并妻李氏祝氏子繼祚以獻己卯帝下令班師自雲

代而旋時鎮州王鎔定州王處直遣使請帝由井陘而西許之庚辰帝發幽州擄仁恭父子以行甲申次定州舍于關城翼日次曲陽與王處直謁北嶽祠是日次衡唐鎮州王鎔迎謁于路容齋四筆用兵獲勝則上其功狀于朝謂之露布今博學宏詞科以爲一題雖自晉魏以來有之然竟不知所出唯劉勰丈心雕龍云露布者蓋露板不封布諸觀聽也唐莊宗爲晉王時擒滅劉守光命掌書記王緘草露布緘不知故事書之於布令人曳之爲識者所笑然亦有所從來魏高祖南伐長史韓顯宗與齊戍將力戰斬其裨將高祖曰卿何爲不作露布對曰頃聞將軍王肅獲賊二三人驢馬數匹皆爲露布私爲哂之近雖得摧醜虜擒斬不多脫復高曳長縑虛張功捷尤而效之其罪彌甚臣所以敘毫卷帛解上而已以是而言則用絹高懸久矣

殺燕王劉守光于太原用其父仁恭于鴈門原注剖心以祭墓也

五代史天祐十一年春正月戊戌朔王鎔以履新之日與其子昭祚昭誨奉觴上壽置宴鎔啟曰燕王劉太師頃爲隣國今欲挹其風儀可乎帝卽命主者破械引仁恭守光至與之同宴鎔饋以衣被飲食已亥帝發鎮

州因與王鎔敗于衡唐之西王子至晉陽以組繫仁恭
守光號令而入是日誅守光遣大將李存霸拘送仁恭
于代州刺其心血奠告
于是趙王王鎔北平王王處直
于武皇陵然後斬之

奉冊推王爲尚書令始建行臺

五代史是月鎮州王鎔定州王處直遣使推帝

爲尚書令初王鎔稱藩于梁梁以鎔爲尚書令至是鎮
定以帝南破梁軍北定幽薊乃共推崇焉使二至帝讓
乃從之遂遷日受冊開霸
七月攻梁邢州戰于張公橋
府建行臺如武德故事

晉軍大敗

五代史秋七月帝親將自黃沙嶺東下會鎮人進軍邢洛梁將楊師厚軍于漳東帝軍次

張公橋旣而裨將曹進金奔于
梁帝軍不利而退八月還晉陽
十二年魏州軍亂賀德

倫以魏博二州叛于梁來附王入魏州行至永濟誅其

亂首張彥以其兵五百自衛號帳前銀鎗軍六月王兼

領魏博節度使

五代史天祐十二年三月梁魏博節度使賀德倫遣使奉幣乞盟時楊師厚卒

于魏州梁主乃割相衛瀘三州別爲一鎮以德倫爲魏
博節度使以張筠爲相州節度使魏人不從是月二十
九日夜魏軍作亂囚德倫于牙署三軍大掠軍士有張
彥者素實凶暴爲亂軍之首迫德倫上章請却復六州
之地梁主不從遂迫德倫歸于帝且乞師爲援帝命馬
步副總管李存審自趙州帥師屯臨清帝自晉陽東下
與存審會賀德倫遣從事司空頴至軍密啟張彥狂勃
之狀且曰若不翦此亂階恐貽後悔帝默然遂進軍永
濟張彥謁見以銀槍効節五百人從皆被甲持兵以自
衛帝登樓諭之曰汝等在城濫殺平人奪其妻女數日
以來迎訴者甚衆當斬汝等以謝鄴人遽令斬彥及同
惡者七人軍士股慄帝親加慰撫而退翼日帝輕裘緩
策而進令張彥部下軍士披甲持兵環馬而從命爲帳
前銀槍軍衆心大服梁將劉鄩聞帝至以精兵萬人自
洹水趣魏縣帝令李存審帥師禦之帝率親軍于魏縣
西北夾河爲柵六月庚寅朔帝入魏州賀德倫上符印
請帝兼領魏州帝從之墨制授德倫大同軍節度令取
便路赴任帝下令撫諭鄴人軍城畏肅民心大服
府元龜天祐十二年六月平魏博令軍中曰我國家列
爵䟽封皆循舊制建藩維而命宗子錫茅社以報功臣

惟茲魏邦續乃舊服自逆溫肇亂天下分離謀害忠良
窺覷藩翰遂使公侯之國鞠爲蛇虺之場朱友貞蕞陋
餘妖人神共弃不量其力謂秦無人尙爲貽厥之謀巧
設兼并之計改張節制分割山河連營皆弊于誅求編
戶不安于閭井且人爲邦本君乃民天旣興虐我之謀
須起俟予之嘆遂至桓桓列較擾擾齊甿奮白挺以捐
生潔壺漿而望主予叨居閭政誓復聖唐永念生靈常
生軫惻覩茲殘弊尤切疚懷昨百姓三軍請予兼領姦
兇在近鎮撫尤難賴爾衆多共宣忠力切以軍府變更
之後人情易動難安將務輯寧須嚴法令凡訛言謗議
殘物害人結黨連朋抵刑犯禁如當糾告法固難容凡
爾蒸人勉其自勵布告中外咸使聞知令下干是中外
肅然浹辰之間郡里完集人無異議市無忿爭一錢強
估必處極法由是奸豪屏息靡然向風時有帳下將李
存進質性勤恪當官無所阿私鄴人由是大伏所以克成
憚帝亦推心示物無所阿私鄴人由是大伏所以克成
霸業北夢瑣言魏博富雄列侯專地唐朝三百年唯
姑息之羅紹威憤衙軍制已密聞梁祖表裏應接算殺
之楊師厚後入魏城揖出羅周翰因而代之師厚卒梁
以賀德倫領鎮分其土宇創立相貝爲節鎮減其力用

三軍作亂脅持德倫背梁歸晉其狀詞云屈原哀郢本
非怨望之人樂毅辭燕且異傾邪之行晉王覽狀擁兵
親臨先數張彥脅主虐民罪而斬之便以張彥親軍五
百人帶甲持仗環馬而行晉王寬衣緩帶畧無猜問衆
心大服他日資魏博兵力稱健竟平河南也衙軍自
羅紹威殺戮後又迫脅賀德倫復擁兵持趙在禮天成
初赴行在于時又殺三取德州源德據壘拒命南通劉
千家乃世襲兇惡也其城命遼州牙將馬通爲德州刺史以扼滄貝之路
鄴又與滄州首尾相應聞德州無備遣別將襲之遂拔
七月取澶州劉鄩軍于洹水王率百騎覘其營遇鄩伏
兵圍之數重決圍而出亡七八騎五代史秋七月梁瀘
州刺史王彥章棄城
而遁畏帝軍之逼也以故將李嚴爲瀘州刺史帝至魏
縣因率百餘騎覘梁軍之營是日陰晦劉鄩伏兵五千
于河曲叢木間帝至伏兵忽起大譟而來圍帝數十重
帝以百騎馳突奮擊梁軍辟易決圍而出有頃援軍至
乃解帝頓謂軍士曰幾爲賊所笑是月劉鄩潛師由黃
澤西趨晉陽至樂平而還遂軍于宗城初鄩在洹水數

日不出寂無聲迹帝遣騎覘之無斥候者城中無煙火
之狀但有鳥止于壘上時見旗幟循堞往來帝曰我聞
劉鄩用兵一步百變必以詭計誤我使視城中乃縛旗
于芻偶之上使驢負之循堞而行得城中羸老者詰之
云軍去已二日矣旣而有人自鄩軍至者言兵已趣黃
澤帝遽發騎追之時霖雨積旬鄩軍倍道兼行皆腹疾
足腫加以山路險阻崖谷泥滑緣難引葛方得少進顛
墜巖坂陷于泥淖而死者十二三前軍至樂平糗糒將
竭聞帝軍追躡于後太原之衆在前羣情大駭鄩收合
其衆還自邢州陳宋口渡漳水而東駐于宗城時魏之
軍儲已乏臨清積粟所在鄩欲引軍據之周德威初聞
鄩軍之西自幽州率千騎至土門及鄩軍東下急趨南
官知鄩軍在宗城遣十餘騎迫其營擒斥候者斷其腕
令還德威至臨清鄩起軍駐貝州帝率親騎次博州鄩
軍于堂邑周德威自臨清率五百騎躡之是日鄩八月
軍于莘縣帝營于莘西一舍城壘相望日夕交鬪

梁復取澶州晉軍與鄩對壘于莘晉軍數挑戰鄩閉壁

不出

五代史八月梁將賀瓌襲取澶州帝遣李存審率
兵五千攻貝州因壅而圍之冬十月有軍士自鄩

軍來奔帝善待之乃劉鄩密令賈耽賂帝膳
夫欲寘毒于食中會有告者索其黨誅之
十三年正

月王留李存審于莘聲言西歸鄩聞晉王且去卽引兵

擊魏攻城東王行至貝州返擊鄩大敗之追至于故元

城又敗之鄩走黎陽五代史天祐十三年春二月帝知

誘之實勞軍于貝州也令李存審守其營鄩謂帝已臨

晉陽將乘虛襲鄩遣其將楊延直自瀘州率兵萬人突

于城下夜半至于南門之外城中潛出壯士五百人突

入延直之軍譟聲動地梁軍自亂遲明鄩自莘引軍至

城東與延直兵會鄩之來也李存審率兵踵其後李嗣

源自魏城出戰俄而帝自貝州至鄩卒見帝驚曰晉王

耶因引軍漸却至故元城西李存審大軍已成列矣軍

前後爲方陣梁軍于其間爲圓陣四面受敵兩軍初合

梁軍稍却再合鄩引騎軍突西南而走帝以騎軍追擊

之梁步軍合戰短兵既接帝軍鼓譟圍之數重埃塵漲

天李嗣源以千騎突入其間衆皆披靡相蹙如積帝軍

四面斬擊棄甲之聲聞數十里衆旣奔潰帝之騎軍追

及于河上十百為羣赴水而死梁步兵七萬殲亡殆盡
劉鄩自黎陽濟奔滑州是月梁主遣別將王檀率兵五
萬自陰地關趨晉陽急攻其城昭義李嗣昭遣將石嘉
才率騎三百赴援時安金全張承業堅守于內嘉才救
援于外檀懼乃燒營而遁追擊至陰地關時劉鄩三
敗于莘縣王檀遁于晉陽梁主聞之曰吾事去矣三月
攻梁衛州降其刺史米昭五代史三月乙卯朔分兵以
降克磁州殺其刺史靳昭四月克洛州五代史夏四月
月帝還晉陽六月命偏師攻閭竇于邢州梁主遣捉生
都將張溫率步騎五百為援至內黃溫率眾來奔秋七
月甲寅朔帝自晉陽至魏州八月圍邢州降其節度使閭竇梁張筠
奔相州戴思遠奔滄州而逃遂取二州貝州人殺梁守
將張源德以城降契丹寇蔚州執振武節度使李嗣本
五代史八月大閱師徒進攻邢州相州節度使張筠棄
城遁去以袁建豐為相州刺史依舊隸魏州邢州節度

使閭寶請以城降以忻州刺史蕃漢副總管李存審爲
邢州節度使以閭寶爲西南西招討使遙領天平軍節
度使是月契丹入蔚州振武節度使李嗣本陷于契丹
九月帝還晉陽梁滄州節度使戴思遠棄城遁去舊將
毛璋入據其城李嗣源帥師招撫璋以城降乃以李存
審爲滄州節度使以李嗣源爲邢州節度使時契丹犯
塞帝領親軍北征至代州北聞蔚州陷乃班師是月貝
州平以滄州降將毛璋爲貝州刺史自是河朔悉爲帝
所有帝自晉陽復至于魏州通鑑考異莊宗實錄命
李存審入城招撫除昭德軍額仍舊隸魏州徙洛州刺
史袁建豐爲十四年契丹寇新州遂寇幽州李嗣源擊
相州刺史
走之五代史天祐十四年二月帝聞劉鄩復收殘兵保
守黎陽遂率師以攻之不克而還是月甲午新州
將盧文進殺節度使李存矩叛入契丹遂引契丹之衆
寇新州存矩帝之諸弟也治民失政御下無恩故及于
禍帝以契丹王安巴堅與武皇屢盟于雲中旣又約爲
兄弟急難相救至是容納叛將違盟犯塞乃馳書以讓
之契丹攻新州甚急刺史安金全棄城而遁契丹以文
進部將劉殷爲刺史帝命周德威率兵三萬攻之營于

城東俄而文進引契丹大至德威拔營而歸因爲契丹
追躡師徒多喪契丹乘勝寇幽州是時言契丹者或云
五十萬或云百萬漁陽以北山谷之間羶車毳幕羊馬
彌漫盧文進招誘幽州亡命之人教契丹爲攻城之具
飛梯衝車之類畢陳于城下鑿地道起土山四面攻城
半月之間幾變百端城中隨機以應之僅得保全軍民
困弊上下恐懼德威間道馳使以聞帝憂形于色召諸
將會議時李存審請急救燕薊且曰我若猶豫未行但
恐城中生事李嗣源曰願假臣突騎五千以破契丹閣
竇曰但當蒐選銳兵控制山險強弓勁弩設伏待之帝
曰吾有三將無復憂矣夏四月命李嗣源率師赴援次
于涑水又遣閭寶率師夜過祁溝俘擒而還周德威遣
人告李嗣源曰契丹三十萬馬牛不知其數近日所食
羊馬過半安巴堅責讓盧文進深悔其來契丹勝兵散
布射獵安巴堅帳前不滿萬人宜夜出奇兵掩其不備
嗣源具以事聞秋七月辛未帝遣李存審領軍與嗣源
會于易州步騎凡七萬于是三將同謀衛枚東甲尋潤
谷而行直抵幽州八月甲午自易州北循山而行李嗣
源率三千騎爲前鋒庚子循大房嶺而東距幽州六十
里契丹萬騎遠至存審嗣源極力以拒之契丹大敗委

棄囊幕廬弓矢羊馬不可勝紀進軍追討俘斬萬計
辛丑大軍入幽州德威見諸將握手流涕翼日獻捷于
鄴九月班師帝授存審檢校太傅冬梁謝彥章軍于楊
嗣源檢校太保閭寶加同平章事
劉十二月攻楊劉王自負芻以堙塹遂破之五代史十
州還晉陽十一月復至魏州十二月帝觀兵于河上時
梁人據楊劉城列柵相望帝率軍履河水而渡盡平諸
柵進攻楊劉城城中守兵三千人帝率騎軍環城馳射
又令步兵持斧斬其鹿角負葦以堙塹帝自負一圍
而進諸軍鼓譟而登遂拔其壘十五年正月梁晉相拒
獲守將安彥之是夕帝宿楊劉
于楊劉彥章決河水以隔晉軍六月渡水擊彥章破其
四寨五代史天祐十五年春正月帝軍徇地至鄆濮時
梁主在洛將修郊禮聞楊劉失守狼狽而還二月
梁將謝彥章率衆數萬來迫楊劉築壘以自固又決河
水瀾漫數里以限帝軍六月壬戌帝自魏州復至楊劉
甲子率諸軍涉水而進梁人臨水拒戰帝軍小却俄而
鼓譟復進梁軍漸退因乘勢而擊之交鬪于中流梁軍

大敗殺傷甚衆河水如絳謝彥章僅得免去是月淮南
楊溥遣使來會兵將致討于梁也冊府元龜天祐十
五年二月梁將謝彥璋帥衆數萬逼楊劉城帝自魏州
聞之輕騎趣于河下賊軍遂築壘以自固又決河水彌
漫數里以陷我軍我軍不得進自破安彥之後其潰亡
之卒多嘯聚于兗鄆山谷間觀時勝負有投來者帝以
書諭之曰夫相時達變爲智士之良圖擇福知機蓋丈
夫之能事故有竄身山谷不處危邦今古攸同豪傑共
貫近聞鄆州山寨聚徒實繁竝是汴維舊人兗鄆奇士
見河南之失險知僞數之必亡厭血刃于連年避淫刑
于虐主必想元元失所恟恟無依莫知投足之方未有
息肩之地予自去冬親提虎旅徑取楊劉旣獲通津已
諸大計視逆豎而便同机上算梁園而已在穀中謝彥
璋營葺梟巢嘯聚河上撩虎頭而難逃碎首伸螳臂而
何暇爭鋒今則虐使生民決開天塹築隄壅水自固軍
營偷生取笑于庸夫作事頗同于兒戲公私塗炭內外
分離旣板蕩以不支固冰消而在卽予俯詳人事仰察
天時旣畫成謀已圖大舉控新羈之鐵馬彌却日之霜
戈屈指定期長驅決戰誓平國恥須復家仇廓妖禳于
四郊奉中興于萬葉諸君等或中州義士或大國遺民

困兵革而不保田園避殘酷而深藏溪洞聞余義舉計
各歎然今既屯聚衆多已相統屬須自謀畫自立功名
或則攻取城池便可跨據州縣因茲事勢以決遠圖梁
寇既西有多虞固不暇分兵東去青交則無人之境齊
鄆則喪亂之州設若圖之必定成事斯爲上策不可後
時凡有兵機予能應接當俟寰區一統海內爲家可于
所得封疆遂其富貴之願蒼穹白水予所不欺若守險
偷生潛身匿跡終爲亡命自弃何多時不再來機須速
決長謀遠算自可擇焉自是交
鄆羣盜往往率衆歸于行臺 八月大閱于魏合盧龍

橫海昭義安國及鎮定之兵十萬馬萬匹軍于麻家渡

謝彥章軍于行臺

五代史秋八月辛丑朔大閱于魏郊河東魏博幽滄鎮定邢洺麟勝雲朔

十鎮之師及奚契丹室韋吐渾之衆十餘萬部陣嚴肅旌甲照耀師旅之盛近代爲最己酉梁兖州節度使張萬進遣使歸欵帝自魏州率師次于楊劉畧地至鄆濮而還遂營于麻家渡諸鎮列營十數梁將賀瓌謝彥章以軍屯濮州行臺村結壘相持百餘日帝嘗以數百騎摩壘求戰謝彥章帥精兵五千伏于隄下帝以十餘騎

登隄伏兵發圍帝十數重俄而帝之騎軍繼至攻于圍外帝于圍中躍馬奮擊決圍而出李存審兵至梁軍方退是時帝銳于接戰每馳騎出營存審必扣馬進諫帝伺存審有間卽策馬而出顧左右曰老子妨吾戲耳至是幾危方以存審之言爲忠也十二月進軍臨濮梁軍追之戰于胡柳

晉軍大敗周德威死之梁軍暮休于土山晉軍復擊大

敗之遂軍德勝爲夾寨

五代史十二月庚子朔帝進軍距梁軍柵十里而止時梁將賀

瓌殺騎將謝彥章于軍帝聞之曰賊帥自相魚肉安得不亡戊午下令軍中老幼令歸魏州悉兵以趨汴庚申大軍毀營而進辛酉次于臨濮梁軍捨營踵于後癸亥次胡柳陂遲明梁軍亦至帝率親軍出視諸軍從之梁軍已成陣橫亘數十里帝亦以橫陣抗之時帝與李存審總河東魏博之衆居其中周德威以幽薊之師當其西鎮定之師當其東梁將賀瓌王彥章全軍接戰帝以銀槍軍突入梁軍陣中斬擊十餘里賀瓌王彥章單騎走濮陽帝軍輜重在陣西望見梁軍旗幟皆驚走因自相蹈籍不能禁止帝一軍先敗周德威戰沒是時陂中

有土山梁軍數萬先據之帝帥中軍至山下梁軍嚴整
不動旗幟甚盛帝呼諸軍曰今日之戰得山者勝賊已
據山吾與爾等各馳一騎以奪之帝率軍先登銀槍步
兵繼進遂奪其山梁軍紛紜而下復于土山西結陣數
里時日已晡矣或曰諸軍未齊不如還營詰朝可圖再
戰閻寶曰深入賊境逢其大敵期于盡銳以決雌雄況
賊帥奔亡衆心方恐今乘高擊下勢如破竹矣銀槍都
將王建及被甲橫槊進曰賊將先已奔亡王之騎軍一
無所損賊衆晡晚大半思歸擊之必破王但登山縱觀
責臣以破賊之效于是李嗣昭領騎軍自土山北以逼
梁軍王建及呼士衆曰今日所失輜重並在山下乃大
呼以奮擊諸軍繼之梁軍大敗時元城令吳瓊貴鄉令
胡裝各部役徒萬人于山下曳柴揚塵鼓譟助其勢梁
軍不知其測自相騰藉棄甲山積甲子命行戰塲收獲鎧
仗不知其數時帝之軍士有先入大梁問其次舍者梁
人大恐驅市人以守其殘衆奔歸汴者不滿千人帝軍
遂拔漢陽冊府元龜明宗初爲邢州節度使從莊宗
南伐次胡柳陂前軍周德威爲輜重所撓一軍不利莊
宗初以中軍戰勝兩軍勝負相半而左馳右趣皆無部
伍或號曰晉王渡河而北矣日晡晚帝與東軍相失軍

無所止河冰初解以無舟楫帝泣曰吾見安在吾主安
歸身行盡于斯矣是夜大寒雪深盈尺兵士凍死者衆
河冰有復合處帝試踐行可渡不旋踵而冰解繼行者
陷矣是夜帝得渡宿先鋒砦翼日莊宗遣內官訪帝時
已獲土山之捷矣軍聲復震通鑑考異莊宗實錄天
祐十五年賀瓖屯於濮州北行臺里十二月辛酉上次
于臨濮賊亦捨營踵我癸亥次于胡柳明日接十六年
戰王彥章敗走濮陽甲子進攻濮陽一鼓而拔十六年
正月王兼領盧龍軍節度使梁王瓚攻德勝南城不克
五代史天祐十六年春正月李存審城德勝夾河爲柵
帝還魏州命昭義軍節度使李嗣昭權知幽州軍府事
三月帝兼領幽州遣近臣李紹宏提舉府事夏四月梁
將賀瓖圍德勝南城百道攻擊復以艤艦扼斷津渡帝
馳而往陣于北岸南城守將氏延賞告急且言矢石將
盡帝以重賄召募能破賊艦者于是獻技者數十或言
能吐火焚舟或言能禁咒兵刃悉命試之無驗帝憂形
于色親從都將王建及進曰臣請効命乃以巨索連舟
十艘選効節勇士三百人持斧被鎧鼓枹而進至中流
梁樓船三層蒙以牛革懸板爲楯建及率持斧者入艤

燹間斬其竹竿破其懸楯又于上流取襲數百用竹竿
維之積薪于上灌以脂膏火發亘空又以巨艦載甲士
令乘烟鼓譟梁之樓船斷繼而下沉溺者殆半軍旣得
渡梁軍乃退命騎軍追襲至濮陽俘斬千計賀瓌由此
飲氣遘疾而卒秋七月帝歸晉陽八月梁將王瓚帥十
衆數萬自黎陽渡河營于楊村造舟爲梁以通津路十
月廣德勝北城五代史冬十月帝自晉陽至魏州發徒
數萬以廣德勝北城自是日與梁軍接

戰十二月敗梁軍于河南

五代史十二月戊戌帝軍于河南夜伏步兵于潘張村梁

軍寨下以騎軍掠其餉運擒其斥候梁王瓚結陣以待
帝軍以鐵騎突之諸軍繼進梁軍大奔赴水死者甚衆
瓚走保北城十七年朱友謙襲同州梁遣劉鄩擊友謙李存

審敗梁軍于同州

五代史天祐十七年春幽州民于田中得金印文曰關中龜印李紹宏獻

于行臺秋七月梁將劉鄩尹皓寇同州先是河中節度
使朱友謙取同州以其子令德主留務請梁主降節度
主怒不與遂請旄節于帝梁主乃遣劉鄩與華州節度
使尹皓率兵圍同州友謙來告難帝遣蕃漢總管李存

審昭義節度使李嗣昭代州刺史王建及率師赴援九月師至河中朝至夕濟梁人不意王師之至望之大駭明日約戰與朱友謙謀遲明進軍距梁壘梁人悉衆以出蒲師在南王師在北騎軍旣接蒲人小却李嗣昭以輕騎抗之梁軍奔潰追斬二千餘級是夜劉鄩收餘衆保營自是閉壁不出數日鄩遂宵遁王師追及于渭河所棄兵仗輜重不可勝計劉鄩尹皓單騎獲免未幾鄩憂患發病而卒王師畧地至奉先嗣昭因謁唐帝諸陵而還五代春秋庚辰六年春河中朱友謙襲陷同州六月劉鄩帥師圍同州九月晉李嗣昭救同州劉鄩及晉李嗣昭戰十八年正月魏州僧傳眞獻唐受命寶一鄩師敗績

五代史天祐十八年春正月魏州開元寺僧傳眞獲傳國寶獻于行臺驗其文卽受命于天子孫寶之八字也羣寮稱賀傳眞師于廣明中遇京師喪亂得之秘藏已四十年矣篆文古體人不之識至是獻之時淮南楊溥西川王衍皆遣使致書勸帝嗣唐帝位帝不從趙將張文禮弑其君鎔文禮來請命二月以文禮爲鎮州兵馬留後

五代史二月代州刺史王建及卒是

王始得出因縱兵奮擊太祖兵敗遂北至易州會大雪彌旬平地數尺人馬死者相屬太祖乃歸三月

閻寶敗于鎮州以李嗣昭代之敗于鎮州城下閻寶退

保趙州時鎮州累月受圍城中艱食王師築壘環之又

決滹沱水以絕城中出路是日城中軍出攻其長圍皆

奮力死戰王師不能拒引師而退鎮州人壞其營壘取其

芻糧者累日帝聞失律卽以昭義節度使李嗣昭爲北

面招討使四月嗣昭戰死以李存進代之五代史夏四

進攻鎮州四月嗣昭戰死以李存進代之月嗣昭爲流

矢所中卒于師已卯天平節度使閻寶卒以振武節度

使李存進爲北而招討使是月大同軍節度使李存璋

卒五月乙酉李存進八月梁取衛州五代史八月梁

圍鎮州營于東渡八月梁取衛州段凝陷衛州刺史

李存儒被擒存儒本俳優也帝以其有膂力故用爲衛

州刺史旣而誅歛無度人皆怨之故爲梁人所襲梁將

戴思遠又陷共城新鄉等邑自是瀘

淵之西相州之南皆爲梁人所據

九月存進敗鎮人

于東垣存進戰死十月李存審克鎮州王兼領成德軍

節度使

五代史九月戊寅朔張處球悉城中兵奄至東垣渡急攻我之壘門時騎軍已臨賊城不覺其

出李存進惶駭引十餘人闔于橋上賊退我之騎軍前

後夾擊之賊衆大敗步兵數千殆無還者是役也李存

進戰歿于師以蕃漢馬步總管李存審爲北面招討使

以攻鎮州丙午夜趙將李再豐之子冲投縋以接王師

諸軍登城遲明畢入鎮州平獲處球處瑾處琪并其母

及同惡高濛李翥齊儉等皆折足送行臺鎮州節度使烏

食之發張文禮尸磔于市帝以符習爲鎮州節度使烏

震爲趙州刺史趙仁貞爲深州刺史李再豐爲冀州刺

史鎮人請帝兼領本鎮從之乃以符習遙領天平軍節

度使十一月河東監軍張承業卒十二月以魏州南郭狄

判官張憲權知鎮州軍州事玉堂閒話魏州刺史有善政

仁傑廟卽生祠堂也天后朝魏之士女每至月首皆詣祠

吏民爲之立生祠及入朝魏之天后素知仁傑初不飲

奠醢仁傑方朝是日亦有醉色天后信莊宗旣霸河朔嘗

酒詰之以事對天后使驗問乃信莊宗旣霸河朔嘗
有人醉宿廟廊之下夜分卽醒見有人於堂陛下磬折
咨事堂中有人問之對曰奉符於魏州索萬人堂中語
曰此州虛耗災禍頻仍移於他處此人曰諾請往白之

遂去少頃復至則曰已移命於鎮州矣語竟不見是歲莊宗分兵討鎮州至於攻下兩軍所殺甚衆焉

同光元年春五代史同光元年春正月丙子五臺山僧獻銅鼎三言于山中石崖間得之二月新

州團練使李嗣肱卒是時以諸藩鎮相繼上牋勸進乃

命有司制置百官省寺仗衛法物期以四月行卽位之

禮以河東節度判三月李繼韜以潞州叛附于梁五代史

官盧質爲大禮使

月已卯以橫海軍節度使內外蕃漢馬步總管李存審

爲幽州節度使潞州留後李繼韜叛送款于梁是月築

卽位壇于魏夏四月己巳皇帝卽位五代會要二十年

州牙城之南

位軒魏州武德大赦改元國號唐行臺左丞相豆盧革

殿年三十九

爲門下侍郎右丞相盧程爲中書侍郎同中書門下平

章事中門使郭崇韜昭義監軍張居翰爲樞密使原注

使唐故以宦者爲之其職甚微至此始參用士人而與宰相權任鈞矣故與宰相並書五代史夏四月己巳

帝升壇祭告昊天上帝遂卽皇帝位文武臣寮稱賀禮畢應天門宣制改天祐二十年爲同光元年大赦天下自四月二十五日昧爽以前除十惡五逆放火行劫持仗殺人官典犯賊屠牛鑄錢合造毒藥外罪無輕重咸赦除之應蕃漢馬步將校並賜功臣名號超授檢校官已高者與一子六品正員官兵士並賜等第優給其戰歿功臣各加追贈仍定諡號民年八十已上與免一子役內外文武職官並可直言極諫無有隱諱貢選二司宜令有司速商量施行雲應蔚朔易定幽燕及山後八軍秋夏稅率量與蠲減民有三世已上不分居者與免雜徭諸道應有祥瑞不用聞奏赦書有所未該委所司條奏以聞云是歲自正月不雨人心憂恐宣赦之日澍雨溥降初唐咸通中金水土火四星聚于畢昴太史奏畢昴趙魏之分其下將有王者懿宗乃詔令鎮州王景崇被袞冕設朝三日遣臣下備儀注軍府稱臣以厭之其後四十九年帝破梁軍于栢鄉平定趙魏至是卽位于鄴宮是月以行臺左丞相豆盧革爲門下侍郎同中書門下平章事太清宮使以行臺右丞相盧澄爲中書侍郎平章事監修國史以前定州掌書記李德休爲御史中丞以河東節度判官盧質爲兵部尙書充翰林

學士承旨以河東掌書記馮道為戶部侍郎充翰林學
 士以魏博鎮冀觀察判官張憲為工部侍郎充租庸使
 以中門使郭崇韜昭義監軍使張居翰並為樞密使以
 權知幽州軍府事李紹宏為宣徽使以魏博節度判官
 王正言為禮部尚書行興唐尹以河東軍城都虞候孟
 知祥為太原尹充西京副留守澤潞節度判官任圜為
 工部尚書兼真定尹充北京副留守又李德休字表
 逸趙郡贊皇人也祖絳山南西道節度使唐史有傳父
 璋宣州觀察使德休登進士第歷鹽鐵官渭南尉右補
 闕侍御史天祐初兩京喪亂乃寓跡河朔定州節度使
 王處直辟為從事莊宗即位千魏州徵為御史中丞轉
 兵部吏部侍郎權知左丞以禮部尚書致仕卒時年七
 十四贈太以魏州為東京太原為西京鎮州為北都五
 子少保以魏州為東京興唐府改元城縣為興唐縣貴鄉
 史詔升魏州為東京興唐府改元城縣為興唐縣貴鄉
 縣為廣晉縣以太原為西京以鎮州為北都是時所管
 節度一十閏月追尊祖考為皇帝妣為皇后曾祖執宜
 三州五十

祖妣崔氏皆諡曰昭烈廟號懿祖祖國昌祖妣秦氏皆

王不具言夕令二

原注追尊祖考則立廟可知故皆不書廟

獻祖文皇帝諱國昌昭烈皇帝長子母曰昭烈皇后崔氏同光元年閏四月追尊文皇帝廟號獻祖葬長寧陵

在代州雁門縣太祖武皇帝諱克用文皇帝第一子母
曰文景皇后秦氏同光元年閏四月追尊武皇帝廟號
太祖葬建極陵壬寅李嗣源取鄆州原注後唐太祖置義兒軍
姓名而不全若子故書李嗣源者書其所賜姓名爾不
以子書也與友文從珂吳五代史甲午契丹寇幽州
至易定而還時有自鄆來者言節度使戴思遠領兵在
河上州城無守兵可襲而取之帝召李嗣源謀曰昭義
阻命梁將董璋攻迫澤州梁志在澤潞不慮別有事生
汝陽無備不可失也嗣源以為然壬寅命嗣源率步騎
五千箝枚自河趨鄆是夜陰雨我師至城下鄆人不覺
遂乘城而入鄆州平制以李嗣源為天平軍節度使梁
主聞鄆州陷大恐乃遣王彥章代戴思遠總兵以來
拒時朱守殷守德勝南城帝懼彥章奔衝遂幸澶州五
月辛酉梁人取德勝南城五代史五月辛酉彥章夜率
勝之浮橋攻南城陷之帝令中書焦彥賓馳至楊劉固
守其城令朱守殷徹德勝北城屋木攻具浮河而下以
助楊劉是時德勝軍食芻蕘薪炭數十萬計至是令人
輦負入澶州事既倉卒耗失殆半朱守殷以所毀屋木

編棧置步軍于其上王彥章以舟師沿流而下各行一岸每遇轉灘水匯卽中流交鬪流矢雨集或全舟覆沒一彼一此終日百戰比及楊劉殆亡其半已巳王彥章段凝率大軍攻楊劉南城焦彥賓與守城將李周極力固守梁將晝夜攻擊百道齊進竟不能下遂結營于楊劉之南東西延袤數十棚六月及王彥

章戰于新壘敗之是月盧程罷

五代史六月己亥帝親御軍至楊劉登城望見

梁軍重壕複壘以絕其路帝乃選勇士持短兵出戰梁軍于城門外連延屈曲穿掘小壕伏甲士于中候帝軍至則弓弩齊發師人多傷兵不得進帝患之問計于郭崇韜崇韜請于下流據河築壘以救鄆州又請帝日令勇士挑戰旬日之內寇若不至營壘必成帝善之卽令崇韜與毛璋率數千人中夜往博州濟河東晝夜督役居六日營壘將成戊子梁將王彥章杜晏球領徒數萬晨壓帝之新壘時板築雖畢牆仍低庫戰具未備沙城散惡王彥章列騎環城虐用其人使步軍堙壕登堞又于上流下巨艦十餘艘扼斷濟路自旦至午攻擊百端城中危急帝自楊劉引軍陣于西岸城中望之秋五代大呼帝緩舟將渡梁軍遂解圍退保鄆家口秋史秋

七月丁未帝御軍汾河而南梁軍棄鄒家口夜遁委棄
鎧甲芻糧千計戊午遣騎將李紹貽直抵梁軍壘梁益
恐又聞李嗣源自鄆州引大軍將至已未夜梁軍拔營
而遁復保于楊村帝軍屯于德勝甲子帝幸楊劉城巡
視梁軍八月梁人克澤州原注唐末澤潞皆屬晉梁初
故壘克之中間不見晉得澤州年月蓋舊史闕不書
五代之亂戰爭攻取彼此得失不常多類此守將裴
約死之五代史八月王申朔帝遣李紹斌以甲士五千
援澤州初李繼韜之叛也潞之舊將裴約以兵
戍澤州不徇繼韜之逆既而梁遣董璋率衆攻其城約
拒守久之告急于帝故遣紹斌救之未至而城已陷裴
約被害帝聞之嗟痛不已甲戌帝自楊劉歸鄴梁以段
凝代王彥章爲帥戊子凝帥衆五萬結營于王村自高
陵渡河帝軍遇之生擒梁前鋒軍士二百人戮于都市
帝御軍至朝城戊戌梁左右先鋒指揮使廉延孝領百
騎來奔帝虛懷引見賜御衣玉帶屏人問之對曰臣竊
觀汴人兵衆不少論其君臣將校則終見敗亡趙巖趙
鵠張漢傑居中專政締結宮掖賄賂公行段凝素無武
畧一朝便見大用霍彥威王彥章皆宿將有名翻出其

下自彥章獲德勝南城梁主亦稍獎使彥章立性剛暴
不耐凌制梁主每一發軍卽令近臣監護進上可否悉
取監軍處分彥章悒悒形于顏色自河津失利段凝彥
章又獻謀欲數道舉軍令董璋以陝統澤潞之衆趨石
會關以寇太原霍彥威統關西汝洛之衆自相衛以寇
鎮定段凝杜晏球領大軍以當陛下令王彥章張漢傑
統禁軍以攻鄆州決取十月內大舉又自滑州南決破
河隄使水東注曹濮之間至于汶陽瀾漫不絕以限北
軍臣在軍側聞此議臣惟汴人兵力聚則不少分則無
餘陛下但待分兵領鐵騎五千自鄆州兼程直抵于汴
不旬日天下事定
九月戊辰李嗣源及王彥章戰于遞
矣帝憚然壯之
坊敗之五代史九月壬寅朔帝在朝城凝兵至臨河南
人所據州以西相以南寇鈔日至編戶流亡計其軍賦
不支半年又王郁盧文進召契丹南侵瀛涿及開梁人
將圖大舉帝深憂之召將吏謀其大計或曰自我得汶
陽以來須大將固守城門之外元是賊疆細而料之得
不如失今若馳檄告諭梁人却衛州黎陽以易鄆州指
河爲界約且休兵我國力稍集則議改圖帝曰嘻行此

謀則無葬地矣時郭崇韜勸帝親御六軍直趨汴州半
月之間天下可定帝曰正合朕意大丈夫得則爲王失
則爲寇予行計決矣又問司天監對曰今歲時不利深
入必無成功帝弗聽戊辰梁將王彥章率衆至汶河李
嗣源遣騎軍偵視至遞公鎮梁軍來挑戰嗣源以精騎
擊而敗之生擒梁將任鈞田章等三百人俘斬二百級
彥章引衆保于中都嗣源飛驛告捷帝置酒大悅曰是
當決行渡河之策已已下令軍中將士家屬並令歸鄴
冬十月壬申如鄆州以襲梁之故曰襲文理宜然無褒
貶甲戌取中都丁丑取曹州已卯滅梁五代會要同光
也梁北夢瑣言太原屬邑有清池本府祈禱雨澤及
投龍之所也後唐莊宗未過河南獵射都捕獵就池卓
帳爲憩宿之所忽見巨蛇數頭自洞穴中出背入池中
良久有一蛇紅白色遙見可圍四尺以來其長稱是獵
卒齊發弩連發射之而斃四山火光池中魚鼈咸死浮
在水上獵夫輩共割食之其肉甚美莊宗等知之于
時詔事者以爲尅梁之兆有五臺僧曰吾王宜速過河
決戰將來梁祚其能久乎此亦斷白蛇之類也又燕

之舊將周祐薊門更變之際以劍挂心刃自背出而
不死奔於梁為騎將之先鋒焉十五年夾河百戰通中
之瘡往往遇之後唐莊宗入洛為仇者於獵場席地俾
坐挽而射貫腋而出創愈無恙仕至都牧節度畱後
竟死於牖下幸蜀記未溫肆逆運屬昭宗三年痛別
於西秦一旦迺遷於東治誅殘南北焚燕宮闈雖列藩
悉是唐臣無一處不從偽命山是大唐中興皇帝念高
宗太祖之業倏爾張憤朱溫崔允之徒同謀篡弑遂
乃神幾迴發心鼎獨然竭滄波而誓戮鯨鯢艾林莽而
決除虎兇十年對壘萬陣交鋒慮久困於生靈乃選練
其死士過汶水搏王彥章於馬前旋夷關斬朱正於樓
上劍霜未匣松雪猶彈段凝領入萬雄師倒戈伏死趙
岳知一人應運引頸待誅遂使賊將歸心謀夫拱手取
乾坤只勞八日救塗炭遂定四維洛中紀異錄高祖
崩太宗詔營獻陵在京兆府三原縣唐朱里及朱氏墓
立卽唐朱之驗矣後莊宗中興乃知里者李也是再造
之徵後主於宮中仆珠簾乃勅京師市珠內外之家收
索將盡計無可得者復於相國寺僧中收之猶有隱之
者為隣僧所告繫於狴中逐院而搜珠急孰敢入者至
于寺中謂僧中齋閣者曰救家正搜珠急孰敢入者至

來年莊宗入汴盡滅朱氏復遠追搜之寺僧曰今日是
端的搜朱也五代史補莊宗之嗣位也志在渡河但
恨河東地狹兵少思欲百練其衆以取必勝於天下乃
下令曰凡出師騎軍不見賊不許騎馬或步騎前後已
定不得越軍分以避險惡其分路並進期會有處不得
違暑刻并在路敢言病者皆斬之故三軍懼法而戮力
皆一當百故朱梁舉天下而敬翔自殺梁原注翔爲梁臣
不能禦卒爲所滅良有以夫敬翔自殺梁所以亡唐翔
之謀爲多梁之亡也翔雖死之不書丙戌貶鄭珏爲萊
州司戶參軍蕭頊登州司戶參軍殺李振趙巖張漢傑
朱珪滅其族己丑德音降死罪囚流已下原之五代史同光元
年冬十月辛未朔日有食之是日皇后劉氏皇子繼岌
歸鄴官帝送于離亭歔歔而別詔宣徽使李紹宏宰相
豆盧革租庸使張憲興唐尹王正言同守鄴城壬申帝
御大軍自楊劉濟河癸酉至鄆州是夜三鼓渡汶時王
彥章守中都甲戌帝攻之中都素無城守師旣雲合梁
衆自潰是日擒梁將王彥章及都監張漢傑趙延隱劉

嗣彬李知節康文通王山興等將吏二百餘人斬馘二
萬奪馬千匹時既獲中都之捷帝召諸將謀其所向或
言且徇兗州徐圖進取唯李嗣源曰宜急趨汴州段凝
方領大軍駐于河上假如便來赴援直路又阻決河須
自滑州濟渡十萬之衆舟楫焉能卒辦此去汴城咫尺
若晝夜兼程信宿卽至段凝未起河壩夷門已爲我有
矣臣請以千騎前驅陛下御軍徐進鮮不克矣帝嘉之
是夜嗣源率前軍先進翼日車駕卽路丁丑次曹州郡
將出降已卯遲明前軍至汴城嗣源令左右捉生攻封
邱門梁開封尹王瓚請以城降俄而帝與大軍繼至王
瓚迎帝自大梁門入梁朝文武官屬于馬前謁見陳敘
世代唐臣陷在僞廷今日再睹中興雖死無恨帝諭之
曰朕二十年血戰蓋爲卿等家門無足憂矣各復乃位
時梁末帝朱鎰已爲其將皇甫麟所殺獲其首函之以
獻是日賜樂工周匝幣帛周匝者帝之寵伶也胡柳之
役陷于梁帝每思之至是謁見欣然慰接周匝因言梁
教坊使陳俊保庇之恩垂泣推薦請除郡守帝亦許之
庚辰帝御元德殿梁百官于朝堂待罪詔釋之王午段
凝所部馬步軍五萬解甲于封邱凝等率大將先至請
死詔各賜錦袍御馬金幣帝幸北郊撫勞降軍各令還

本營丙戌詔曰懲惡勸善務振紀綱激濁揚清須明眞
爲蓋前王之令典爲歷代之通規必按舊章以令多士
而有志朋僭竊位忝崇高累世官而皆受辱恩食爵祿
而但從僞命或居台鉉或處樞衡或列近職而預機謀
或當峻秩而掌刑憲事分逆順理合去留僞宰相鄭珏
等一十一人皆本朝簪組儒苑品流雖博議多聞備明
今古而修身慎行頗負祖先昧忠貞而不度安危專利
謀而全虧名節合當大辟無恕近親朕以緝綱垂仁旣矜
平巨慝方務好生之道在行含垢之恩湯網垂仁旣矜
全族舜刑投裔兼貸一身爾宜自新我全大體其爲顯
列不並庶察餘外應在周行悉仍舊貫凡居中外咸體
朕懷乃貶梁宰相鄭珏爲萊州司戶蕭頊爲登州司戶
翰林學士劉岳爲均州司馬任贊房州司馬姚顗復州
司馬封翹唐州司馬李擇懷州司馬寶夢徵沂州司馬
崇政院學士劉光素密州司戶陸崇安州司戶御史中
丞王權隨州司戶並員外置同正員是日以梁將段凝
上疏奏梁朝權臣趙巖等並助成虐政結怨于人聖政
惟新宜誅首惡乃下詔曰朕旣殄僞庭顯平國患奸生
之令舍宏雖切于予懷懲惡之規決斷難違于衆請况
趙巖趙鵠等自朕收城數日布惠四方尙匿迹以潛形

罔後心而革面須行赤族以謝衆心其張漢傑昨于中
都與王彥章同時俘獲此際未詳行止偶示哀矜今既
上將陳詞羣情激怒往日旣彰于僭濫此時難漏于網
羅宜寅國刑以塞羣論除妻兒骨肉外其他疎屬僕使
並從釋放敬翔李振首佐朱溫共傾唐祚屠害宗屬殺
戮朝臣旣寰宇以皆知在人神而共怒敬翔雖聞自盡
未裕幽冤宜與李振並族于市疎屬僕使並從原宥朱
珪素聞狡獪唯務譏邪罔惑人情枉害良善將清內外
須切去除况衆狀指陳亦宜誅戮契丹實喇鄂博旣棄
其母又背其兄朕比重懷來厚加恩渥看同骨肉錫以
姓名兼分符竹之榮疊被頒宣之渥而乃輒辜重惠復
背明廷罔顧欺違竄歸僞室旣同梟獍難貸刑章可并
妻子同戮于市其朱氏近親趙鵠正身趙巖家屬仰嚴
加擒捕其餘文武職員將校一切不問是日趙巖張希
逸張漢傑張漢倫張漢融朱珪敬翔李振及契丹實刺
鄂博等并其妻孥皆斬于汴橋下又詔除毀朱氏宗廟
神主僞梁二王並降爲庶人天下官名府號及寺觀門
額會經改易者並復舊名時帝欲發梁祖之墓斲棺燹
樞河南尹張全義上章申理乞存聖恩帝乃止令剗去
闕室而已丁亥梁百官以誅囚族于崇元殿立班待罪

詔各復其位以樞密使檢校太保守兵部尙書郭崇韜
權行中書令事已丑御崇元殿制曰仗順討逆少康所
以誅有窮續業承基光武所以滅新莽成以中興景命
再造王猷經綸于草昧之中式遏于亂畧之際朕以欽
承大寶顯荷鴻休雖繼前修固慙涼德誓平元惡期復
本朝屬四海之阡危允萬邦之推戴近者親提組練徑
掃氛妖振已墜之皇綱殄餘安之寇孽國讐方雪帝道
爰開拯編昨覆罔之艱救率土倒懸之苦粵自朱溫構
逆友貞嗣凶篡殺二君隳殘九廟虺毒久傷于宇宙狠
貪肆噬于華夷剝喪元良凌辱神主帝里動黍離之嘆
朝廷多棟橈之危棄德崇奸窮兵黷武戰士疲勞于力
役蒸民耗竭其膏腴言念于斯軫傷彌切今則已梟逆
豎大谿羣情覩歷數之有歸實神靈之匪昧得不臨深
表誠馭朽爲懷將宏濟于艱難宜特行于赦宥應僞命
流貶責授官等已經量移者並可復資徒流人放歸鄉
里京畿及諸道見禁囚徒大辟罪降從流流已下咸赦
除之其鄭珏等一十一人未移復之限應扈從征討
將校及諸官員職堂節級馬步兵士及河北諸處屯駐
守戍兵士等皆情堅破敵業茂平淮副予戡定之謀顯
爾忠勤之節並據等第續議獎勵其有歿于王事未經

追贈者各與贈官如有子孫堪任使者並量材錄任應
偽庭節度觀察防禦團練等使及刺史監押行營將校
等並頒恩詔不議更改仍許且稱舊銜當俟別加新命
理國之道莫若安民勸課之規宜從薄賦庶遂息肩之
望冀諧鼓腹之謠應諸道戶口並宜罷其差役各務營
農所係殘欠賦稅及諸務懸欠積年課利及公私債負
等其汴州城內自收復日已前並不在徵理之限其諸
道自壬午年十二月已前並放北京及河北先以祇視
未平配買征馬如有未請却官本錢及買馬不迫者可
赦免應有本朝宗屬及內外文武臣寮被朱氏無辜屠
害者並可追贈如有子孫及本身逃難于諸處漂寓者
並令所在尋訪津置赴闕義夫節婦孝子順孫旌表門
閭量加賑給或鰥寡俾獨無所告者仰所在各議拯救
民年過八十者免一子從征其有先投過偽庭將校官
吏等一切不問云甲午以樞密使檢校太保守兵部尚
書太原縣男郭崇緡爲開府儀同三司守侍中監修國
史兼真定尹成德軍節度使依前樞密使太原郡侯仍
賜鐵券乙未詔宰相豆盧革權判吏部上銓御史中丞
李德休權判東西銓事丙申滑州留後檢校太保段凝
可依前滑州留後仍賜姓名紹欽以金紫光祿大夫檢

校司空守輝州刺史杜晏球爲檢校司徒依前輝州刺史仍賜姓名紹虔詔處斬隨駕兵馬都監夏彥朗于和景門外時宦官怙寵廣侵占居人第舍郭崇韜奏其事乃斬彥朗以徇丁酉賜百官絹二千匹錢二百萬職事絹一千匹錢百萬戊戌以竭忠啓運匡國功臣天平軍節度使開府儀同三司檢校太傅兼侍中蕃漢馬步總管副使隴西郡侯李嗣源爲依前檢校太傅兼中書令天平軍節度使特進封開國公加食邑實封餘如故以開府儀同三司檢校太傅北都留守興聖宮使判六軍諸衛事李繼岌爲檢校太尉同平章事充東京留守詔御史臺班行內有欲求外職或要分司各許于中書投狀奏聞已亥宴勲臣于崇元殿梁室故將威頊焉帝酒酣謂李嗣源曰今日宴客皆吾前日之勍敵一旦同會皆卿前鋒之力也梁將霍彥威戴思遠等皆伏陛叩頭帝因賜御衣酒器盡歡而罷濟州刺史孟瑒上章請死詔原之瑒初事帝爲騎將天祐十三年帝與劉鄩莘縣對壘瑒領七百騎奔梁至是來請罪帝報之曰爾當吾急引七百騎投賊何面目相見瑒惶恐請死帝恕之未幾移貝州刺史庚子帝吹于汴水之陽五代會要後唐同光元年十月西都太微宮亳州太清宮諸州紫極

官皆復本名冊府元龜元年十月十一月乙巳復北

都為鎮州太原為北都丙辰復汴州為宣武軍丁巳尙

書左丞趙光允為中書侍郎禮部侍郎韋說同中書門

下平章事戊午新羅國王金朴英遣使者來辛酉復永

平軍為西都甲子如洛京原注洛京從當時語五代

南州縣見使偽印望追毀改鑄從之以光祿大夫檢校

太傅左金吾上將軍兼領左龍武軍事汾州刺史李存

渥為滑州節度使加特進同平章事以雜指揮散員都

部署特進檢校太傅忻州刺史李紹榮為徐州節度使

以滑州兵馬留後檢校太保李紹欽為兗州節度使壬

寅鳳翔節度使秦王李茂貞遣使賀收復天下癸卯河

中節度使西平王朱友謙來朝乙巳賜友謙姓改名繼

麟帝令皇子繼岌兄事之以捧日都指揮使博州刺史

康延孝為鄭州防禦使檢校太保賜姓名繼琛以宋州

節度使檢校太尉平章事袁象先依前為宋州節度使

仍賜姓名紹安以許州匡國軍節度使檢校太尉同平
章事溫韜依前許州節度使仍賜姓名紹冲丁未日南
至帝不受朝賀戊申中書門下上言以朝廷兵革雖寧
支費猶闕應諸寺監各請置卿少卿監祭酒司業各一
員博士兩員餘官並停唯太常寺事關大禮大理寺事
關刑法除太常博士外許更置丞一員其王府及東宮
官司天五官正奉御之屬凡關不急司存並請未議除
授其諸司郎中員外應有雙曹者且置一員左右常侍
諫議大夫給事中起居郎起居舍人補闕拾遺各置一
半三院御史仍委御史中丞條理中奏其停罷朝官仍
各錄名銜具罷任時日留在中書候見任官滿二十五
箇月並據資品却與除官共西班上將軍已下仍望宣
示樞密院斟酌施行從之時議者以中興之朝事宜恢
廓驟茲自弱頓失物情已酉詔應隨處官吏務局員察
諸軍將校等如聞前例各有進獻直貢章奏不惟褻
于朝廷實且傍滋于誅斂並宜止絕以肅化風又詔左
降均州司馬劉岳有母年踰八十近聞身故準故事許
歸候三年喪服闋如未量移卽却赴貶所壬子詔取今
月二十四日朝獻太廟二十五日有事于南郊癸未中書

門下奏應隨駕及在京有帶兼官者並望落下只守本
官從之乙卯以特進檢校太傅開封尹判六軍諸衛事
充功德使王瓚爲宣武軍節度副使權知軍州事丁巳
以銀青光祿大夫尚書左丞趙光允爲中書侍郎平章
事集賢殿大學士以朝散大夫禮部侍郎韋說守本官
同平章事以吏部侍郎史館脩撰判館事盧文度爲兵
部侍郎充翰林學士以右散騎常侍充宏文館學士判
館事馬錫嘉爲戶部侍郎知制誥充翰林學士以翰林
學士守尚書膳部員外郎劉昫爲比部郎中知制誥依
前充職以扈鑾書制學士行尚書倉部員外郎趙鳳爲
倉部郎中知制誥充翰林學士以左拾遺于嶠守本官
充翰林學士戊午以中書侍郎平章事豆盧革判租庸
使兼諸道鹽鐵轉運等使新羅王金朴英遣使貢方物
已未以洛京留守判六軍諸衛事守太尉兼中書令河
南尹魏王張全義爲檢校太師守中書令餘如故以荆
南節度使檢校太師守中書令渤海王高季興爲依前
檢校太師守中書令餘如故庚申以工部尚書眞定尹
北都副留守知留守事任圜爲檢校吏部尚書兼御史
大夫充成德軍節度使行軍司馬知軍府事安義軍節
度使李繼韜入見待罪詔釋之辛酉以宣化軍留後檢

校太傅戴思遠權知青州軍州事檢校司空左監門上
 將軍安崇阮並檢校舊官却復本任以鎮國軍留後檢
 校太傅霍彥威為保義軍節度使留後以權知威化軍
 留後檢校司徒高允貞權知鎮國軍留後以權知河陽
 留後檢校太保張繼業依前權知河陽留後以鄭延兩
 鎮節度使使檢校太師兼中書令西平王高萬興依前鄭
 延節度使使仍封北平王襄州節度使如故以永平軍節度使大安
 孔勅依前襄州節度使餘如故以永平軍節度使大安
 尹檢校太保張筠為西都留守行京兆尹以晉州節度
 使檢校太保張玘為西都留守行京兆尹以晉州節度
 度使檢校太保張玘為西都留守行京兆尹以晉州節度
 左金吾衛大將軍史敬銘為左街使右金吾衛大將軍
 李存確為右街使甲子車駕發汴州五代會要後唐
 同光元年十一月進封延州節度使高萬興為北平王
 冊府元龜後唐莊宗同光元年十一月丁未日長至
 帝不受朝賀百官詣東上閤門拜表稱慶議者以為長
 至元會歲中之大朝斯為盛禮著于令式是日合陳樂
 懸排細仗一人當陽昭國容也兵興以來而斯禮或闕
 帝初十一函夏不復唐典無故輟禮議者惜之又同光
 元年初十一月甲辰勅雒京太廟先為朱溫毀廢將幸雒

陽官告廟下尙書省
會議重修本朝宗廟
十二月庚午朔至自汴州辛巳李

繼韜伏誅繼韜之弟繼達殺其兄繼儔于潞州原注繼

殺書非不予其死蓋繼達殺兄自當著其罪爾與書弑

其君者同
五代春秋癸未同光元年四月己巳帝卽

位于鄴都十月戊寅滅梁己卯帝至汴州誅敬王辰畋

于伊闕五代史十二月庚午帝至京師誅潞州李繼韜

官初到放三日朝參壬申以租庸使刑部侍郎太清宮

副使張憲爲檢校吏部尙書充北京副留守知留守事

太原尹詔改取來年二月一日行郊禮戊寅詔德勝寨

莘縣楊劉口通津鎮胡柳陂皆戰陣之所宜令逐處差

人收掩戰士骸骨量備祭奠以慰勞魂詔改爲梁永平

軍大安府復爲西東京兆府改宋州宣武軍爲歸德軍

汴州開封府復爲宣武軍華州感化軍爲鎮國軍許州

匡國軍復爲忠武軍滑州宣義軍復爲義成軍陝府鎮

國軍復爲保義軍耀州靜勝軍復爲順義軍潞州匡義

軍復爲安義軍朗州武順軍復爲武貞軍延州爲彰武

軍鄧州爲威勝軍晉州爲建雄軍安州爲安遠軍淮南
楊溥遣使賀登極稱大吳國主書上大唐皇帝已卯禁
屠牛馬庚辰御史臺上言請行用本朝律令格式今訪
聞唯定州有本朝法書望下本州寫副本進納從之辛
巳詔貶安義軍節度使李繼韜爲登州長史尋斬于天
津橋下再謀叛故也甲申淮南楊溥奚首領李紹威並
遣使朝貢乙酉以翰林學士承旨盧質權知汴州軍府
事以禮部尙書崔沂爲尙書左丞判吏部尙書銓事以
兵部侍郎崔協爲吏部侍郎以刑部侍郎充集賢殿學
士判院事盧文紀爲尙書兵部侍郎依前充集賢殿學
士判院事丁亥澤州刺史董璋上言潞州軍變李繼達
領兵出城自刎而死節度副使李繼珂已安撫軍城已
丑有司上言上辛祈穀于上帝請奉高祖神堯皇帝配
孟夏雩祀請奉太宗文皇帝配季秋大享于明堂請奉
太祖武皇帝配冬至日祀圜丘請奉肅祖文皇帝配孟
冬祭神州地祇請奉懿祖昭聖皇帝配從之辛卯亳州
太清宮道士上言聖祖元元皇帝殿前古檜萎瘁已久
再生一枝畫圖以進詔曰當聖祖舊殿生枯檜新枝應
皇家再造之期顯大國中興之運同上林什柳祥旣叶
于漢宣比南頓嘉禾瑞更超于光武宜標史冊以示寰

瀛云王辰幸伊闕已以中書舍人崔居儉爲刑部侍郎充史館修撰判館事甲午以租庸副使光祿大夫檢校司徒守衛尉卿孔謙爲鹽鐵轉運副使五代會要後唐同光元年十二月亳州太清宮奏聖祖元元皇帝殿枯檜再生枝葉畫圖以進又唐高祖神堯皇帝武德二年枯檜重華至安祿山僭號萎瘁明皇自蜀歸京枝葉復盛至是再生一枝長二尺餘

五代史記卷第五上

五代史記卷第五下

廬陵歐陽脩撰

徐無黨原注

南昌彭元瑞注

劉鳳誥排次

唐本紀第五

二年春正月河南尹張全義及諸鎮進暖殿物已酉求

唐宦者

原注凡書過惡辭無譏貶者直書其實而自見也

庚戌新羅國王金朴

英及其泉州節度使王逢規皆遣使者來乙卯渤海國

王大誣譔使大禹謨來庚申如河陽

原注迎皇太后也太后曹氏莊宗母

也莊宗卽位遣盧程奉冊爲皇太后舊史實錄皆無奉冊月日故不書

辛酉至自河陽丁

卯七廟神主至自太原祔于太廟朝獻于太微宮戊辰

享于太廟

五代史同光二年春正月庚子朔帝御明堂殿受朝賀仗衛如式壬寅南郊禮儀使太常卿李燕進太廟登歌酌獻樂舞名懿祖室曰文明之舞

太祖室曰應天之舞昭宗室曰永平之舞甲辰幽州上言契丹入寇至瓦橋以天平軍節度使李嗣源為北面

行營都招討使陝州西後霍彥威為副率軍援幽州已

已故宣武軍節度副使權知軍州事檢校太傅王瓚贈

太子太師丁未詔改朝元殿復為明堂殿又改崇勲殿

為中興殿戊申以振武軍節度使檢校太傅同平章事

李存霸權知潞州畱後以知保大軍軍州事高允韜為

檢校太保庚戌以涇原節度使充秦王府諸道行軍司

馬開府儀同三司檢校太尉兼侍中李從曠為檢校太

尉兼中書令依前涇原節度使充秦王府諸道行軍司

馬詔改應順門為永曜門太平門為萬春門通政門為

廣政門鳳鳴門為詔和門萬春門為中興門解卸殿為

端明殿是日詔曰皇綱已正紫禁方嚴凡事內官不合

更居外地詔諸道應有內官不計高低並仰逐處并家

口發遣赴闕不得輒有停滯帝龍潛時寺人數已及五

百至是合諸道赴闕者約千餘人皆給賜優贍服玩華

侈委之事務付以腹心唐時宦官為內諸司使務諸鎮

監軍出納王命造作威福昭宗以此亡國及帝奄有天
下當知戒彼前車以爲殷鑒一朝復興茲弊議者惜之
新羅王金朴英遣使朝貢辛亥中書門下奏準本朝故
事諸王內命婦宰臣學士中書舍人諸道節度防禦團
練使畱後官告卽中書帖官告院索綾紙標軸下所司
書寫印署畢進入宣賜其文武兩班及諸道官員並奏
薦將校並合于所司送納朱膠綾紙價錢伏自僞梁不
分輕重並從官給今後如非前件事例請官中不給告
勅其內司大官侍衛將校轉官卽不在此限從之壬子
蜀主王衍致書于帝稱有詐爲天使馳報收復汴州者
詔捕之不獲癸丑有司奏郊祀前二日迎祔高祖太宗
懿祖獻祖太祖神主于太廟議者以中興唐祚不宜以
追封之祖雜有國之君以爲昭穆自懿祖已下宜別立
廟于代州如後漢南陽故事可也幽州北面軍前奏契
丹還塞詔李嗣源班師鳳翔節度使秦王李茂貞上表
請行藩臣之禮帝優報之甲寅帝于中興殿而賜郭崇
韜鐵券有司上言皇太后到闕皇帝合于銀臺門內奉
迎詔親至懷州奉迎中書奏自二十三日後散齋內車
駕不合遠出詔改至河陽奉迎以禮部尙書典唐尹王
正言依前禮部尙書充租庸使乙卯渤海國遣使貢方

物幽州奏媽州山後十三寨百姓却復新州戊午以前
太子少師薛延珪為檢校戶部尚書太子少師致仕以
前太子賓客封舜卿為太子少保致仕以前太子賓客
李文規為戶部侍郎致仕詔鹽鐵度支戶部並委租庸
使管轄庚申四方館上言請今後除隨駕將校及外方
進奉專使文武班三品已上官可以內殿對見其餘並
詣正衙以申常禮從之車駕幸河陽奉迎皇太后辛酉
帝侍皇太后至文武百寮迎于上東門是日河中府上
言稷山縣割隸絳州以太僕卿李紆為宗正卿以衛尉
卿楊邁為太僕卿西京昭應縣華清宮道士張沖虛上
言天尊院枯檜重生枝葉乙丑有司上言南郊饗太
廟舊例親王充亞獻終獻行事乃以皇上言南郊饗太
皇弟存紀為終獻丙寅帝赴明堂殿致齋丁卯朝饗于
太微宮戊辰饗于太廟是日赴南郊册府元龜二年
正月丁巳所司奏懿祖昭烈皇帝八月十四日忌昭烈
皇后十一月八日忌獻祖文皇帝十月十三日忌文景
皇后九月六日忌太祖武皇帝正月二十日忌勅敬依
典禮甲子西都留守張筠奏重脩高祖太宗十聖宮殿
戊辰饗太廟以皇子繼炭二月己巳朔有事于南郊代
為亞獻皇弟存紀為終獻

會要後唐莊宗南郊一
同光二年二月一日
大赦癸酉羣臣上尊號曰昭文

睿武光孝皇帝
五代會要二年四月上尊號
曰昭文睿武至德光孝皇帝
戊寅幸李

嗣源第癸未立劉氏爲皇后
原注五代十三君立后者
七辭有不同立得其正者

日以某妃某夫人某氏爲皇后其不正者直曰立某氏
爲皇后嫌與得正同爾無褒貶也
五代史二月已巳

朔親祀昊天上帝于圜丘禮畢宰臣率百官就次稱賀
還御五鳳樓宣制大赦天下應同光二年二月一日昧

爽已前所犯罪無輕重常赦所不原者咸赦除之十惡
五逆屠牛鑄錢故殺人合造毒藥持仗行劫官典犯賊

不在此限應自來立功將校各與轉官仍加賞給文武
常參官節度觀察防禦刺史軍士都虞候指揮使父母

亡歿者並與追贈在者各與加爵增封諸藩鎮各賜一
子出身仍封功臣名號畱後刺史官高者加階爵一級

官卑者加官一資應本朝內外臣寮被朱氏殺害者特
與追贈應諸州縣不得令富室分外收貯見錢禁工人

鎔錢爲銅器勿令商人載錢出境近年已來婦女服飾
異常寬博倍費縑綾有力之家不計卑賤悉衣錦繡宜

令所在糾察應有百姓婦女曾經俘擄他處爲婢妾者一任骨肉識認男子曾被刺面者給與憑據放逐營生召天下有能以書籍進納者各等第酬獎仰有司速檢勘天下戶口正額墾田實數待憑條理以息煩苛是日風景和暢人胥悅服議者云五十年來無此盛禮然自此權臣復戾伶官用事吏人孔謙酷加賦斂赦文之所原放謙復刻剝不行大失人心始于此矣庚午租庸使孔謙奏諸道綱運客旅多于私路苟免商稅請令所在關防嚴加捉搦從之癸酉宰臣豆盧革率百官上尊號曰昭文睿武至德光孝皇帝凡三上表從之甲戌詔曰汴州元管開封浚儀封邱雍邱尉氏陳留六縣僞庭割許州鄆陵扶溝陳州太康鄭州陽武中牟曹州考城等縣屬焉其陽武匡城扶溝考城四縣宜令且隸汴州餘還本部丙子以隨駕參謀耿瑋爲司天監丁丑以光祿大夫檢校司徒李筠爲右騎尉上將軍戊寅幸李嗣源第作樂盡歡而罷己卯以河中節度使冀王李繼麟兼安邑解縣兩池榷鹽使辛巳以檢校太師守尙書令河南尹判六軍諸衛事魏王張全義爲守太尉兼中書令河陽節度使河南尹改封齊王以開府儀同三司尙書令秦王李茂貞依前封秦王餘如故仍賜不拜不名

是日帝幸左龍武軍癸未宰臣豆盧革率百官上表請
立中官制以魏國夫人劉氏爲皇后仍令所司擇日備
禮冊命丁亥以天平軍節度使蕃漢總管副使開府儀
同三司檢校太傅兼中書令李嗣源爲檢校太尉依前
天平軍節度使加實封百戶兼賜鐵券以前安國軍節
度副使檢校太保左衛上將軍李存乂爲晉州節度使
檢校太傅以北京皇城畱守檢校太保左威衛上將軍
李存紀爲邢州節度使加檢校太傅以蕃漢馬步都虞
候兼東京馬步軍都指揮使檢校太保朱守殷爲振武
節度使加檢校太傅戊子以前右龍武軍都虞候守左
龍武大將軍李紹奇爲鄭州防禦使以楚州防禦使張
繼孫爲汝州防禦使己丑以振武軍節度使權安義畱
後檢校太傅平章事李存霸爲潞州節度使以捧日都
指揮使鄭州防禦使李紹琛爲陝州節度使以成德軍
馬步軍都指揮使右監門衛大將軍毛瑋爲華州節度
使壬辰樞密使郭崇韜再上表請退樞密之職優詔不
允癸巳詔曰皇太后母儀天下子視羣生當別建官闡
顯標名號冀因稱謂益表尊嚴宜以長壽官爲名樞密
使郭崇韜奏時移利便一十五件優詔褒美甲午奚王
李紹威吐渾李紹魯皆貢驃馬丁酉以武安軍衙內馬

步軍都指揮使昭州刺史馬希範爲永州刺史檢校太保癸卯以光祿大夫檢校左僕射行太常卿李燕爲特進檢校司空依前太常卿以御史中丞李德休爲兵部侍郎以吏部侍郎崔協爲御史中丞五代會要後唐同光二年二月赦應有百姓婦女俘虜他處爲婢妾者不得占畱一任骨肉議認又二月改封河南尹判六年諸衛事張全義爲齊王冊府元龜唐莊宗同光二年二月制鄆村糴貨斛斗及賣薪炭等物多被牙人于城外接錢糴買到房店增價邀求遂使貧困之家常買貴物稱量之際又罔平人宜令府縣及御史臺于諸門嚴切條疏不得更令違犯又國以人爲本人困則國何所依人以食爲天食艱則人何以濟蓋聞僞朝以來恣爲措斂至于雜色斛斗柴草受納倉場邀頓人戶分外課求納一斗則二斗未充納一束則三束不充互相蒙蔽上下均分疲敝生靈莫斯爲甚自今以後仰長吏選清強官吏充主納仍須嚴立條制以防姦欺兼具逐色所納加耗申奏當官者宜守于物章力田者宜尊于王制爲容僥倖必亂規繩訪聞富戶田疇多投權勢影占縣州不敢科役貧下者更代征徭轉致彫殘最爲蠹弊將安疲瘵須擇循良者又二月丁亥遣宗正李紆朝

拜和陵丁酉吏部奏十道圖內州縣名共三十七處犯
獻祖廟諱勅改易之容齋三筆唐莊宗同光二年大
赦前云罪無輕重常赦所不原者咸赦除之而又曰十
惡五逆屠牛鑄錢故殺人合造毒藥持仗行劫官典犯
贓不在此限此制正得其中當亂離之三月己酉党項
朝乃能如是亦可取也而今時或不然

來庚戌賜從平汴州及入洛南郊立仗軍士等功臣五代

會要後唐同光二年三月勅隨駕收復汴州并扈從到
洛京南郊立仗都將官員自檢校僕射尙書常侍至大
夫中丞謀定亂匡國功臣自檢校僕射尙書常侍至大
夫中丞宜並賜忠勇拱衛功臣其初帶憲衛並賜忠烈
功臣已
有功臣名者不在此限其節級長行軍將並賜扈蹕功
臣唐元宗平內難賜衛士葛福順等爲唐元功臣不
過十數人德宗駐蹕奉天賜從軍駕立功將校爲奉天
定難功臣及僖宗昭宗頻年播遷功臣差多至是徧及
卒非賞典也庚申工部郎中李塗爲檢視諸陵使原注唐諸
五代會要以尙書工部郎中李潞州將楊立反五代史
途爲長安南路檢視諸陵使

辰故河陽節度使王師範贈太尉乙巳以滄州節度使
檢校太傅同平章事符習爲青州節度使以北京衙內
馬步軍都指揮使右領軍衛大將軍李紹斌爲滄州節
度使鎮州奏契丹犯塞詔李嗣源率師屯邢州丙午以
荆南節度使守中書令渤海王高季興依前檢校太師
兼尙書令封南平王以幽州節度使行軍司馬李存賢依
前檢校太保爲幽州節度使中書門下上言近以諸州
奏薦令錄頗亂規程今後節度使管三州已上每年許
奏管內官三人如管三州已下只奏兩人仍須課績尤
異方得上聞防禦使只許奏一人刺史無奏薦之例從
之己酉以太子少保李琪爲刑部尙書庚戌幽州奏契
丹寇新城是日詔諸將校自檢校司空已下宜賜叶謀
定亂匡國功臣自檢校僕射尙書常侍及諫議大夫並
賜忠果拱衛功臣初帶憲銜者並賜忠烈功臣節級長
行並賜扈蹕功臣中書門下上言州縣官在任考滿卽
具關申送吏部格式本道不得差攝官替正官從之有
司上言皇帝四月一日御文明殿受冊徽號合服袞冕
御殿前一日散齋于內殿從之是日李嗣源上表乞退
兵權詔不允是時伶人景進用事闔宦競進故重臣憂
懼拜章請退癸丑左諫議大夫竇專上言請廢租庸使

名目事歸三司疏奏不報唐州奏木連理詔先省員官
除已別授官外其左散騎常侍李文矩等三十人却復
舊官太子詹事石戢等五人宜以本官致仕將作少監
岑保嗣等十四人續勅處分丙辰責授萊州司戶鄭珏
等一十一人並量移近地尙書戶部侍郎知貢舉趙頴
卒以中書舍人裴皞權知貢舉禁用鈔錫錢丁巳中書
門下奏懿祖陵請以永興爲名獻祖陵請以長寧爲名
太祖陵請以建極爲名從之淮南楊溥遣使貢賀郊天
禮物戊午詔應南郊行事官並付三銓磨勘優與處分
己未以大理卿張紹珪充制置安邑解縣兩池榷鹽使
幸左龍武軍以皇子繼岌代張全義判六軍諸衛事故
也癸亥以彰武保大軍節度使北平王高萬興可依前
延州鄜州節度使檢校太保兼中書令北平王甲子幸
東宅又楊立者潞州之小校初事李嗣昭及李繼韜
皆畜養甚厚繼韜被誅憤憤失志同光二年四月有詔
以潞兵二萬人戍涿州將發其衆謀曰我輩事故使二
十年衣食豐足未嘗邊塞征行苟于邊上差跌白骨何
歸不如據城自固事成則富貴耳因聚徒百餘輩攻子
城東門城中大擾副使李繼珂及監軍張機祥出奔立
自稱畱後率軍民上表請旄節莊宗怒命明宗與李紹

真攻討一月拔之生擒立及其同惡十餘人送于闕下
皆磔于市潞州城峻而隍深故立輒敢據之莊宗因茲
詔諸道撤防城之備焉五代會要後唐同光二年三
月唐州奏淮濱廣樹王廟前有兩樹東西相去七尺五
寸其樹各出地七尺五寸兩樹相向連理畫圖以進其
年九月萊州奏卽墨縣人李夢徵室內柱上生芝草兩
本畫圖以進上宴樂于夏五代史夏四月己巳朔帝御
嘉慶殿諸道貢物稱賀夏文明殿具袞冕受冊尊號曰
昭文睿武至德光孝皇帝壬申以成德軍節度行軍司
馬權知府事任圜爲檢校右僕射權北面水陸轉運制
置使甲戌以順義軍畱後華溫琪依前檢校太保充畱
後乙亥以天策上將軍武安等軍節度使守太師中書
令楚王馬殷可依前守太師兼尙書令詔在京諸道節
度使刺史令各歸本任丁丑以前陶州節度使內外蕃
漢馬步總管檢校太師兼中書令李存審爲宣武軍節
度使餘如故乙卯帝御文明殿冊魏國夫人劉氏爲皇
后庚辰賜郭彥威姓名曰紹真癸未以宋州節度使李
繼安依前檢校太尉同平章事宋州節度使以許州節
度使李繼冲依前檢校太尉同平章事許州節度使以
襄州節度使孔勅依前檢校太傅同平章事襄州節度

使甲申以樞密副使通議大夫行內侍省內侍宋唐王
爲左監門衛將軍同正依前樞密副使以內客省使通
議大夫行內侍省內侍楊希朗爲右監門衛將軍同正
依前內客省使並賜推忠匡佐功臣車駕幸龍門丙戌
回鶻遣使貢方物已丑以夏州節度使封朔方王以朔方河西
校太師兼中書令夏州節度使封朔方王以朔方河西
等軍節度使韓洙依前檢校太傅兼侍中充朔方河西
等軍節度使靈鹽威警雄涼甘肅等州觀察使辛卯以
宣徽南院使判內侍省兼內局特進左監門將軍同正
李紹宏爲右領軍衛上將軍兼中書令依前靜江軍節度使扶
風郡王馬寶爲檢校太師兼中書令依前靜江軍節度
使以朗州節度使馬希振爲檢校太傅兼侍中依前朗
州節度使鳳翔節度使秦王李茂貞薨丙申潞州小校
楊立據城叛以李嗣源爲招討使陝州畱後李紹真爲
副率師以討之五代會要二年四月五月壬寅教坊使
月封夏州節度使李仁福爲朔方王
陳俊爲景州刺史內園栽接使儲德源爲憲州刺史

原注

命官不書此
書其甚也

丙辰渤海國王大諲譔遣使者來丙寅李

嗣源克潞州

原注不書命將舊史闕

五代史同光二

年夏五月己亥帝御文明殿冊齊王張全

義爲太尉禮畢全義赴尙書省領事左諫議大夫竇專

不降階爲御史所劾專援引舊典宰相不能詰寢而不

行庚子太常卿李燕卒壬寅以教坊使陳俊爲景州刺

史內園使儲德源爲憲州刺史皆梁之伶人也初帝平

梁俊與德源皆爲寵伶周匝所薦帝因許除郡郭崇韜

以爲不可伶官言之者衆帝密召崇韜謂之曰予已許

除郡經年未行我慙見二人卿當屈意行之故有是命

甲辰以兗州節度使李紹欽依前檢校太保兗州節度

使進封開國侯以邠州節度使韓恭依前檢校太保邠

州節度使進封開國伯丙午以福建節度使戊申幸郭崇

知依前檢校太師守中書令福建節度使戊申幸郭崇

韜第己酉詔天下收拆防城之具不得修濬池隍以西

都畱守京兆尹張筠依前檢校太保充西都畱守甲寅

以滄州節度使李紹斌充東北面招討使以兗州節度

李紹欽爲副招討使以宣徽使李紹宏爲招討都監率

大軍渡河而北時幽州上言契丹將寇河朔故也乙卯

潞州叛將楊立遣使健步奉表乞行赦宥帝令樞密副

使宋唐玉齎勅書招撫幽州上言契丹營于州東南兩

辰渤海國王大諲譔遣使貢方物以澶州刺史李審益
爲幽州行軍司馬蕃漢內外都知兵馬使辛酉故澤潞
節度使丁會贈太師詔割復州爲荆南屬郡壬戌以權
知鳳翔軍府事涇州節度使李從暉爲起復雲麾將軍
右金吾大將軍同正依前檢校太尉兼中書令充鳳翔
節度使乙丑以權知歸義軍留後曹義金爲歸義軍節
度使沙州刺史檢校司空丙寅李嗣源奏收復六月丙
潞州幽州上言新授宣武軍節度使李存審卒
子楊立伏誅己丑封回紇王仁美爲英義可汗
戊申中書侍郎兼吏部尚書平章事宏文館大學士豆盧革
加右僕射餘如故侍中監修國史兼樞密使鎮州節
度使郭崇韜進爵邑加功臣號中書侍郎平章事集賢
殿大學士趙光裔加兼戶部尚書禮部侍郎平章事韋
說加中書侍郎宋州奏節度使李紹安卒丙子李嗣源
遣使部送潞州叛將楊立等到闕並磔于市潞州城峻
而隍深至是帝命剗平之因詔諸方鎮撤防城之備焉
丁丑有司上言洛陽已建宗廟其北京太廟請停從之
甲申以衛國夫人韓氏爲淑妃燕國夫人伊氏爲德妃
仍令所司擇日冊命故河東節度副使守左諫議大夫

李襲吉贈禮部尚書故河東節度副使禮部尚書蘇循
贈左僕射故河東觀察判官檢校右僕射司馬按贈司
空故河東留守判官工部尚書李敬義贈右僕射丙戌
以順義軍節度使李令錫爲許州節度使以前保義軍
留後李紹真爲徐州節度使以徐州節度使李紹榮爲
宋州節度使戊子汝州防禦使張繼孫賜死于本郡繼
孫卽齊王張全義之假子也本姓郝氏爲兄繼業等訟
其陰事故誅之 冊府元龜張繼業爲河南兩使留後
莊宗同光二年六月繼業上疏稱弟繼孫本姓郝有母
尙在父全義養爲假子令管衙內兵士自皇帝到京繼
孫私藏兵甲招置部曲欲圖不軌兼私家淫縱無別無
義臣若不自陳恐累家族勅曰有善必賞所以勸忠孝
之方有惡必誅所以絕姦邪之迹其或罪狀騰於衆口
醜行布於近親須舉朝章冀明國法汝州防禦使張繼
孫本非張氏子孫自小丐養以至成立備極顯榮而不
能酬撫育之恩履謙恭之道擅行威福常恣姦兇侵奪
父權惑亂家事縱鳥獸之行畜梟獍之心有識者所不
忍言無賴者實爲其黨而又橫征暴斂虐法峻刑藏兵
器於私家殺平人於廣陌罔思悛改難議矜容宜竄逐
於遐方仍歸還於姓氏俾我勲賢之族永除污穢之風

凡百臣寮宜體朕命可貶房州司戶參軍同正兼勒復
本姓尋賜自盡仍籍沒資產五代史已丑以回紇可
汗仁美爲英義可汗詔改輝州爲單州庚寅故左僕射
裴樞右僕射裴贇崔遠並贈司徒故靜海軍節度使獨
孤損贈司空故吏部尚書陸展贈右僕射故工部尚書
王溥贈右僕射裴樞等六人皆前朝宰輔爲梁祖所害
于白馬驛至是追贈焉壬辰以天平軍節度使蕃漢總
管副使開府儀同三司檢校太尉兼中書令李嗣源爲
宣武軍節度使蕃漢馬步總管餘如故甲午以樞密使
特進左領軍衛上將軍知內侍省事張居翰爲驃騎大
將軍守左驍衛上將軍秋七月己酉如雷山賽天神原
進封開國伯賜功臣號秋七月己酉如雷山賽天神注
夷狄之事也五代史秋七月戊戌朔故宣武軍節度
使李存審男彥超進其父牙兵八千七百人已亥中書
門下奏每年南郊壇四祠祭太微宮五薦獻並宰臣攝
太尉行事唯太廟遣庶寮行事此後太廟祠祭亦望差
宰臣行事從之乙巳汴州雍邱縣大風拔木傷稼曹州
大雨平地水三尺丙午以襄州節度使孔勅爲潞州節
度使李存霸爲鄆州節度使己酉幸龍門之雷山祭天
神從北俗之舊事也辛亥以鄆州副使李紹珙爲襄州

唐使以前澤州刺史董璋爲邠州留後戊午西川王衍
遣僞署戶部侍郎歐陽彬來朝貢稱大蜀皇帝上書大
唐皇帝庚申以應州爲雲州屬郡升新州爲威塞軍節
度使以僞儒武等州爲屬郡壬戌皇子繼岌妻王氏封
魏國夫人幽州奏契八月大雨霖河溢五代史八月已
丹安巴堅東攻渤海八月大雨霖河溢五代史八月已
隙地任人請射修造有主者限半年令本土自修蓋如
過限不見屋宇許他人占射辛未北京副留守太原尹
孟知祥加檢校太傅增邑賜功臣號帝畋于西苑癸酉
以租庸副使守衛尉卿孔謙爲租庸使以右威衛上將
軍孔循爲租庸副使甲戌以權知汴州軍州事翰林學
士承旨戶部尚書盧質爲兵部尚書依前翰林學士承
旨仍賜論思匡佐功臣丙子以雲州刺史雁門以北都
知兵馬使安元信爲大同軍節度留後以隰州刺史張
廷裕爲新州威塞軍節度留後丁丑樞密使郭崇韜上
表請退不允戊寅租庸使守禮部尚書王正言罷使守
本官辛巳詔諸道節度觀察防禦團練使刺史並于洛
陽修宅一區中書門下上言請今後諸道除節度副使
兩使判官外其餘職員并諸州軍事判官各任本處奏
辟從之汴州奏大水損稼癸未租庸使孔謙進封會稽

縣男仍賜豐財贍國功臣淮南楊溥遣使貢方物宋州大水郭曹等州大風雨損稼丁亥中書門下侍郎奏請差左丞崔沂吏部侍郎崔貽孫給事中鄭韜光李光序吏部員外郎盧損等同詳定選司長定格循資格十道圖從之癸巳放朝參三日以霖雨故也陝州奏河水溢岸乙未中書門下上言諸陵臺令丞請停以本縣令知陵臺事從之五代會要後唐同光二年八月勅在京應有空閒地任諸色人請射蓋造藩方侯伯內外臣寮於京邑之中無安居之所亦可請射各自修營其空閒有主之地仍限半年本主須自修蓋如過限不見屋宇亦許他人占射其月敕諸道觀察防禦團練等使刺史出司土宇入覲朝廷將壯宸居須崇甲第宜於洛京修宅一區又同光二年入月中書門下奏諸陵臺令丞並請停廢以本縣令兼知陵臺事從之九月壬子置水于城門以禳熒惑原注本紀書災不書異熒惑為置水非禮書爾見其有懼禍之意而不知畏天以修德水旱風蝗之類害物者災也故書其變逆常理不知所以然者異也以其不可知故不甲寅幸郭崇韜第丙辰黑水遣使者來五代史九月癸卯書爾

于西北郊幽州上言契丹安巴堅自渤海國迴軍內園
新殿成名曰長春殿戊申以中書舍人權知貢舉裴皞
爲禮部侍郎以前鄭州防禦副使姜宏道爲太僕卿侍
中郭崇韜奏應三銓注授官員等內有自無出身入仕
買覓鬼名告敕今將骨肉文書措改姓名或歷任不足
妄稱失陞或假人蔭緒託形勢論屬安排參選所司隨
例注官如有人陳告特議超獎其所犯人身死之處今後
同保人內有偽濫者並當駁放應有人身死之處今後
並須申報本州于告身上批書身死日月分明付子孫
今後銓司公事至春末並須了畢從之銓綜之司僞濫
日久及崇韜條奏之後澄汰甚嚴放棄者十有七八衆
情亦怨之已酉司天台請禁私厯日從之庚戌有司自
契丹至者言女真回鶻黃頭室韋合勢侵契丹壬子有
司上言八月二十二日夜熒惑犯星二度星周分也請
依法禳之于京城四門懸東流水一罌兼令都市嚴備
盜火止絕夜行從之甲寅幸郭崇韜第置酒作樂乙卯
以前振武軍節度使安北都護馬存可依前檢校太尉
兼侍中充寧遠軍節度使容管觀察使存湖南馬英之弟
也丙辰黑水國遣使朝貢契丹寇幽州戊午宣冬十月
宰臣于中書磨勘吏部選人謬濫者焚毀告勅

癸未左雄威軍將趙暉妻一產三男子原注此亦一變異而書者重人

五代史謹之後世以此為善祥故于亂世書以見不然

使贈太尉隴西郡王李嗣昭贈太師庚午正衙命使冊

淑如韓氏德妃伊氏以宰臣豆盧革韋說充冊使辛未

詔今後支郡公事須申本道騰狀奏聞租庸使各有徵

催祗牒觀察使貴全理體契丹冠易定北鄙壬申故大

同軍防禦使李存璋贈太尉鄆州奏清河泛溢壞廬舍

癸未畋于石橋甲戌河南尹張全義上言萬壽節日請

于嵩山開琉璃戒壇度僧百人從之乙亥故守太師尚

書令秦王李茂貞追封秦王賜諡曰忠敬丁丑皇后差

使賜兖州節度使李紹欽湯藥時皇太后行誥命皇后

劉氏行敎命互遣使人宣達藩后紊亂之弊人不敢言

已卯汴鄭二州奏大水庚辰以前太僕卿楊遵為大理

卿党項進白驢奚王李紹威進馳馬幽州奏契丹入寇

至近郊辛巳故天雄軍節度副使王緘贈司空壬午以

天下兵馬都元帥尚父守尚書令吳越國王錢鏐可依

前天下兵馬都元帥尚父守尚書令封吳越國王癸未

幸小馬坊閱馬甲中以兩浙兵馬畱後清海軍節度嶺

南東道觀察等使守太尉兼侍中廣州刺史錢元瓘爲
檢校太師兼中書令充兩浙節度觀察畱後餘如故以
鎮東軍節度副大使江南管内都招討使建武軍節度
嶺南西道觀察等使檢校太傅守侍中知蘇州中吳軍
軍州事行邕州刺史錢元瓘爲檢校太尉兼中書令餘
如故辛卯天平軍監軍使柴重厚可特進右領衛將軍
同正充鳳翔監軍使甲午以宣武軍節度押牙李從溫
李從璋李從榮李從厚李從璨並銀青光祿大夫檢校
右散騎常侍兼御史大夫宣武軍節度押牙李從臻可
檢校國子祭酒兼御史中丞自從溫而下皆李嗣源諸
子也冊府元龜同光二年十月十一月癸卯畱于伊
丁亥萬壽節宴羣臣於長春殿

闕丙午至自伊闕

原注書至見其畱四日而荒甚

丁巳回鶻使都督安

千想來

五代史十一月丙申靈武奏甘州回鶻可汗仁美卒其弟狄銀權主國事吐渾白都督族帳移

于代州東南已亥幸六宅宴諸弟壬寅尙書左丞判吏
部尙書銓事崔沂貶麟州司馬吏部侍郎崔貽孫貶朔
州司馬給事中鄭韜光貶寧州司馬吏部員外郎盧損
貶府州司戶時有選人吳延皓取亡叔告身故舊名求

仕事發延皓付河南府處死崔沂已下貶官宰相豆盧革趙光裔韋說詣閣門待罪詔釋之癸卯帝畋于伊闕侍衛金槍馬萬餘騎從帝一發中大鹿是日命從官拜梁祖之陵物議非之其夕宿于張全義之別墅甲辰宿伊闕縣乙巳宿樵碯時騎士圍山會夜顛崖谷死傷甚衆丙午復命衛兵分獵殺獲萬計是夜方歸京城六街火炬如晝丁未賜羣臣鹿肉有差庚戌制改節將一十一人功臣號辛亥以兵部侍郎李德休爲吏部侍郎壬子日南至百官拜表稱賀以昭儀侯氏爲汧國夫人昭容夏氏爲虢國夫人御正楚眞張氏爲渤海郡夫人其餘宣鄧氏爲魏國夫人御正楚眞張氏爲渤海郡夫人其餘德美周氏爲宋國夫人侍眞吳氏爲渤海郡夫人其餘並封郡夫人丁巳河中節度使守太師尚書令西平王李繼麟可依前守太師兼尚書令河中護國軍節度使西平王仍賜鐵券戊午幸李嗣源李紹榮之十二月庚第縱酒作樂是日鎮州地震契丹寇蔚州十二月庚午及皇后幸張全義第五代史十二月戊辰幸西園校歸鎮庚午帝與皇后劉氏幸張全義第酒酣帝命皇后拜全義爲養父全義惶恐致謝復出珍貨貢獻翼日皇

后傳制命學士草謝全義書學士趙鳳密疏陳國后無
拜人臣爲父之禮帝雖嘉之竟不能已其事壬申以教
坊使王承顏爲興州刺史丙子詔取來年正月七日幸
魏州庚辰畋于近郊至夕還宮壬午契丹寇嵐州党項
遣使貢方物乙酉幸龍門佛寺祈雪丙戌以徐州節度
使李紹真爲北面行營副招討使戊子李嗣源奏部署
大軍自宣武軍北征淮南楊溥遣使貢獻已丑幸龍門
庚寅詔河南尹張全義爲洛京畱守判在京諸軍事是
日日傍有背氣凡十二五代春秋甲申二年正月契
丹來寇幽州庚申帝幸河陽辛酉帝迎皇太后至京師
二月己巳帝祀上帝于圓丘四月秦王茂正薨盜據潞
州五月克之十一月癸卯帝畋于伊闕丙午帝還京師
十二月庚午帝及皇
后劉氏幸張全義第

三年春正月庚子如東京毀卽位壇爲鞠場五代史同

正月甲午朔帝御明堂殿受朝賀仗衛如式丙申詔以
昭宗少帝山陵未備宜令有司別選園陵改葬尋以年
饑財匱而止契丹寇幽州戊戌詔起今後特恩授官及
侍衛諸軍將校內諸司等官其告身官給舊例朱膠錢

臺省禮錢並停其餘合徵臺省禮錢比舊數五分中許徵一分特恩者不徵兵吏部兩司逐月各支錢四十貫文充吏人食直少府監鑄錢造印文今後不得徵納銅炭價直其料物官給庚子車駕發京師幸鄴以前許州節度使李紹沖爲太子少保以前邠州節度使韓恭爲右金吾大將軍充兩街使以前安州節度使朱漢賓爲左龍武統軍庚戌車駕至鄴命青州節度使符習修酸棗河隄先是梁末帝次河隄引水東注至鄆濮以限我軍至是方修之丙辰幽州二月己巳聚鞠于新場乙亥上言節度使李存賢卒

射鴈于王莽河辛巳突厥渾解樓渤海國王大誣譔皆遣使者來射鴈于北郊乙酉射鴨于郭泊庚寅射鴈于

北郊

五代史二月甲子朔詔興唐府管內有百姓隨絲鹽錢每兩與減五十文逐年所俵蠶鹽每斗與減

五十文小菜豆稅每畝與減放三升都城內所徵稅絲永與除放丙寅定州節度使王都來朝丁卯改于近郊已巳召從臣擊毬于鞠場辛未許州上言襄城葉縣準敕割隸汝州其扶溝等縣請御隸當州從之甲戌以滄

州節度使李紹斌爲幽州節度使依前檢校太保以大
同軍畱後安元信爲滄州節度使乙亥幸王莽河射雁
丙子李嗣源奏涿州東南殺敗契丹生擒首領三十人
符習奏修隄役夫遇雪寒逃散樞密使郭崇韜上表辭
兼鎮時帝命李紹斌鎮幽州以其時望未重欲以李嗣
源爲鎮帥且爲紹斌聲援移郭崇韜兼領汴州召崇韜
議之崇韜奏以爲當因懇辭兼領庚辰以宣武軍節度
使李嗣源爲鎮州節度使辛巳以皇子繼潼繼嵩繼蟾
繼曉並檢校司徒皆冲幼未出閣突厥渤海國皆遣使
貢方物帝幸近郊射雁甲申以樞密使郭崇韜爲依前
守侍中監修國史兼樞密使加食邑實封廣南劉巖遣
使奉書于帝稱大漢國王致書上大唐皇帝乙酉帝射
鴨于郭泊丙戌定州節度使檢校太尉兼侍中王都進
封開國公加食邑實封戊子幸近郊射雁工部尚書崔
梈卒贈三月乙未寒食望祭于西郊原注俚俗之祭庚
右僕射

申至自東京辛酉改東京爲鄴都以洛京爲東都五代史三

月癸巳朔賜扈從諸軍將士優給自二十千至一千甲
午振武軍節度使洛京內外蕃漢馬步使朱守殷奏昨

修月陂隄至德宮南獲玉璽一紐獻之詔示百官驗其
文曰皇帝行寶四字方圓八寸厚二寸背紐交龍光瑩
精妙守殷又于役所得古文錢四百六十六內二十六
文曰得一元寶四百四十日順天元寶上之丙申寒食
節帝與皇后出近郊遙饗代州親廟庚子詔取三月十
七日車駕歸洛京壬寅符習奏修河隄畢功戊申帝召
郭崇韜謂曰朕思在德勝寨時霍彥威段凝皆子之勛
敵終日格鬪戰聲相聞安知二年之間在吾廡下吾無
少康光武之才一旦重興基構者良由二三勲德同心
輔翼故也朕有時夢寢如在戚城思念曩時挑戰鏖兵
勞則勞矣然而揚旌伐鼓差慰人心殘壘荒溝依然在
目予欲按德勝故寨與卿再陳舊事崇韜曰此去瀘州
不遠陛下再觀戰地益知王業之艱難豈不蹙哉已酉
車駕發鄴宮辛亥至德勝城登城四望指戰陣之處以
諭宰臣渡河南觀廢柵舊址至楊村寨汾河至戚城置
酒作樂而罷壬子淮南楊溥遣使朝貢東京副畱守張
憲奏諸營家口一千二百人逃亡以艱食故也時宮苑
使王允平伶人景進爲帝廣采宮人不擇良家委巷殆
千餘人車駕不給載以牛車纍纍于路焉庚辰車駕至
自鄴辛酉詔本朝以雍州爲西京洛州爲東都并州爲

北都近以魏州爲東京宜依舊以洛京爲東都魏州改爲鄴都與北都並爲次府 五代會要三年三月修東京月陂隄至立德坊南古岸得玉璽一紐文曰皇帝行寶都部署朱守殷表上之命中書門下宣示百官宰相豆盧革等驗其篆文曰皇帝行寶方圍八寸厚二寸背紐五龍光瑩精妙莫知湮墜之由自秦漢以來天子之璽有六文曰皇帝之璽皇帝信璽皇帝行璽天子之璽天子信璽天子行璽至唐元宗時改名國寶漢末董卓遷獻帝于長安袁術將孫堅攻卓收洛陽營于城南見甄官井有五色氣命掘之得漢傳國璽文曰受命于天既壽永昌方圍四寸紐交五龍一角小缺議者意張讓劫帝出奔掌璽者投之甄井故也今之所得卽六璽之一也守殷又于積善坊得古文錢四百五十六文文曰得一元寶背曰順天元寶 文昌雜錄同光三年洛京積善坊得古文錢曰得一元寶順天元寶史不載何代鑄錢近見錢氏錢譜云史思明再陷洛陽鑄得一錢賊黨以爲得一非佳號乃改 夏四月乙亥及皇后幸郭崇順天蓋史思明所鑄錢也

韜朱漢賓第旱庚寅趙光允薨

五代史夏四月癸亥朔日有食之以租庸副使

孔循權知汴州軍州事丙寅淮南楊溥遣使貢方物壬申幸甘泉亭癸酉詔翰林學士承旨盧質覆試新及第進士租庸使奏時雨久愆請下諸道州府依法祈禱從之乙亥帝與皇后幸郭崇韜第又幸左龍武統軍朱漢賓之第戊寅以耀州爲團練州其順義軍額宜停庚辰帝侍皇太后幸會節園遂幸李紹榮之第辛巳以旱甚詔河南府徙市造五方龍集巫禱祭癸未以兗州節度使李紹欽爲鄧州節度使丁亥以鎮州節度使李嗣源兼北水面水陸轉運使以徐州節度使李紹真爲副禮部貢院新及第進士四人其王徽改爲第一桑維翰第二符蒙正第三成倬第四禮部侍郎裴皞旣無黜落特議寬容今後新及第人候過堂日委中書門下精加詳覆陝州奏本連理庚寅中書侍郎兼工部尙書平章事趙光允卒廢朝三日五代會要後唐同光三年四月敕今年新及第進士符蒙正等宜令翰林學士承旨盧質就本院覆試仍令學士使楊彥瑤監試其月敕禮部所放進士符蒙正等四人旣慊羣情實干浮議詩賦果有疵瑕若便去畱慮乖激勸倘無升降卽昧甄明况王徹體物可嘉屬詞甚妙桑維翰差無紕繆稍有詞華其王徹升爲第一桑維翰第二符蒙正第三成倬第四禮部

侍郎裴碑放今後應禮部每年所試舉人雜文策等候
過堂日委中書門下子細詳覆奏聞 冊府元龜同光
三年四月敕禮部貢院今年新及第進士符蒙正成僚
王徹桑維翰四人國家歲命春官首司貢籍高懸科級
明列等差廣進善之門爲取士之本所重者藝行兼著
鄉里有稱定才識之淺深振聲名于夷夏必當得雋允
副旁求爰自近年寢成澆俗多聞濫進全爽舊章朕自
興復丕圖削平僞紀方作事以謀始盡革故以鼎新蓋
欲窒弊正訛去華務實誠爲要道無切于斯今據禮部
奏所放進士符蒙正等四人既慊輿情頗干浮論須令
覆試俾塞羣言又遣考詳貴從精覈及再覽符蒙正成
僚等呈試詩賦果有瑕疵今若便有去畱慮乖激勸倘
無昇降卽助甄明况王徹體物可嘉屬詞甚妙細披製
作最異儕流但應試以効成或求對而不切桑維翰若
無紕繆稍有功夫止當屬對之間累失求妍之美須推
事藝各定否臧貴叶允平庶諧公共其王徹改爲第一
桑維翰第二符蒙正第三成僚第四禮部侍郎裴碑在
掄材之際雖匪阿私當定名之時頗虧優劣但緣符蒙
正等既無紕落裴碑特議寬容勿負憂疑已從釋放自
今後應禮部當年所試舉人雜文策等候過堂日委中

書門下准本朝故事細加詳覆方可奏聞不得輒徇人情有隳事實時命盧質覆試于翰林院試君從諫則聖賦以堯舜禹湯傾心求過為韻臣事君以忠詩是歲試進士科者數十人裴俾精選其文惟得王徹輩或諧毀于宣徽使李紹宏曰今年新進不由才進各有阿私物議以為不可紹宏訴于郭崇韜因奏令盧質覆試質為賦韻五平聲三側聲且踰常式五月丁酉皇太妃薨廢覆試之日中外騰口議者非之

朝五日

原注太祖正室于莊宗為嫡母書太妃及輟朝見亂世禮壞而恩薄

己酉黑水女

真皆遣使者來

五代史五月壬辰朔淮南楊溥貢端午節物丁酉皇太妃劉氏薨于晉陽廢朝

五日帝于興安殿行服時皇太后欲奔喪于晉陽百官上表請畱乃止戊戌以鎮州行軍司馬知軍府事任圜為工部尚書戊申幸龍門廣化寺祈雨已酉黑水女真二國皆遣使朝貢戊午以鳳州衙內馬步軍都指揮使李繼昶為涇州節度使檢校太傅已未詔天下見禁罪人如無大過速令疎放幸太清宮禱雨

未宗正卿李紆為昭宗少帝改卜園陵使

原注少帝濟陰王也梁嘗

諡曰哀皇帝唐人謂括馬五代史六月癸亥雲州上言

之少帝從其本語括馬去年契丹從磧北歸帳達紐

因相掩擊其首領裕悅族帳自磧北以部族羊馬三萬

來降已到南界今差使人來赴闕奏事甲子太白晝見

丁卯以滄州節度使安元信充北面行營馬步軍都排

陣使辛未以宗正卿李紆充昭宗少帝改卜園陵使王

辰京師雨足自是大雨至于九月晝夜陰晦未嘗澄霽

江河漂溢隄防壞決天下皆訴水災丁丑詔吳越王錢

鏐將行冊禮準禮文合用竹冊宜令所司修製玉冊時

郭崇韜秉政以爲不可樞密承旨段徊贊其事故有是

命癸丑以天德軍節度使管內蕃漢都知兵馬使劉承

訓爲天德軍節度觀察畱後丙戌詔曰關內諸陵頃因

喪亂例遭穿穴多未掩修其下宮殿宇法物等各令奉

陵州府據所管陵園修製仍四時各依舊例薦饗每陵

仰差近陵百姓二十戶充陵戶以備灑掃其壽陵等一

十陵亦一例修掩量置陵戶戊子以刑部尙書李琪充

昭宗少帝改卜園陵禮儀使己丑以工部郎中李途爲

京兆少尹充修奉諸陵使辛卯詔括天下私馬將收蜀

故也五代會要後唐同光三年六月下河南河北諸

州和市戰馬官吏除一匹外匿者坐罪時將討蜀故也

秋七月壬寅皇太后崩

原注不書冊皇太后已見上注

五代史同光三年

秋七月丁

酉以久雨詔河南府依法祈晴滑州上言黃河決壬寅

皇太后崩于長壽宮帝執喪于內出遺令以示于外癸

卯帝于長壽宮成服百官於長壽宮幕次成服後于殿

前立班奉慰已巳宰臣上表請聽政不允表再上敕旨

宜廢朝七日丁未宏文館上言請依六典改宏文館為

崇文館從之時樞密使郭崇韜亡父名宏豆盧革希崇

韜指奏而改之鱗鈕妖僧變嗣今詎醉穢廐麟散麟趾

短爐辨蚰浴水泛漲壞天津橋以舟濟渡日有覆溺者

已酉宰臣百官上表請聽政又請復常膳表凡三上以

刑部尚書李琪充大行皇太后山陵禮儀使河南尹張

全義充山陵橋道排頓使孔謙充監護使壬子河南陝

州上言河溢岸以禮部尚書王正言為戶部尚書以御

史中丞崔協為禮部尚書以刑部侍郎史館修撰判館

事崔居儉為御史中丞以尚書左丞歸藹為刑部侍郎

陝州上言河漲二丈二尺壞浮橋入城門居人有溺死

者乙卯汴州上言汴水泛漲恐漂沒城池于州城東西

權開壕口引水入古河澤潞上言自今月一日雨至十

九日未止戊午以刑部尚書判太常卿兼判吏部尚書

銓事李琪爲吏部尚書依前判太常卿以兵部侍郎集賢殿學士判院事盧文紀爲吏部侍郎以給事中李光序爲尚書右丞許州滑州奏大水 五代會要後唐同光三年七月正簡皇太后遺令曰皇帝以萬機至重入表所尊勿衣麤衰勿居諠闇三年之制以日易月過三日便親朝政皇后諸妃及諸王公主並制齊衰本服以日易月十三日除中書門下翰林院學士在朝文武百官內諸司使及諸道節度觀察防禦使刺史監軍及前資官并寮佐官吏士庶僧道百姓並准本朝故事降服施行勿使過制皇帝釋服後未御八音勿廢羣祀勿斷屠宰勿禁宴遊園陵喪制皆從簡省故申遺令奉而行之其月太常禮院奏案故事中書門下翰林學士在朝文武內諸司使供奉官以下從成服三日每日赴長壽宮朝臨自後不臨其服以日易月三十日除至小祥合釋服每至月朔月望小祥大祥釋服日未除服者綾服臨已除服者則素服不臨並起長壽宮先拜靈訖移班近東進名奉慰又奏准故事文武前資官及六品以下未升朝官并士庶等各於本家素服一臨僧尼道士各於本寺觀已下各於本軍廳事素服一臨僧尼道士各於本寺觀一臨外命婦各於本家素服朝臨三日諸道節度觀察

防禦團練刺史及寮佐等聞哀後當八月癸未殺河南
日成服三日改慘十三日除從之

縣令羅貫五代史八月壬戌詔諸司人吏不許諸處奏
薦如有勞績只許本司奏聞詔有司吳越王

印宜以黃金鑄成其文曰吳越國王之印丁卯帝釋服

百官奉慰于長壽宮戊辰客省使李嚴使蜀回初帝令

在市蜀中珍玩蜀法嚴峻不許奇貨東出其許市者謂

之入草物嚴不獲珍貨歸而奏之帝大怒曰物歸中夏

者命之曰入草王衍寧免為入草之人耶由是伐蜀之

意銳矣庚寅幸壽安山陵作所鄴都大水御河泛溢癸

未河南縣令羅貫長流崖州尋委河南府決痛杖一頓

處死坐部內橋道不脩故也及死人皆冤之甲申山陵

禮儀使奏山陵封域之內先有邱墳合令子孫改卜舊

例給其所費無子孫者官為瘞藏如是五品以上官所

司仍以禮致祭從之鳳翔奏大水已酉中書門下上言

據禮儀使狀準故事太常少卿定大行太后諡議太常

卿署定訖告天地宗廟伏準禮文賤不得誅貴子不得

爵母后必諡于廟者受成于祖宗今大行太后諡請太

常卿署定後集百官連署諡狀訖讀于太廟太祖皇帝

室然後差丞郎一人撰冊文別定日命太尉上諡冊于

三

西宮靈座同日差官告天地太微宮宗廟如常告之儀
從之青州大水蝗已丑以襄州雷後李紹珙為襄州節
度使以邠州雷後董九月庚子魏王繼岌為西川四面
璋為邠州節度使

行營都統郭崇韜為招討使以伐蜀自六月雨至于是

月丁巳射鴈於尖山五代史九月辛卯朔河陽奏黃河張一丈五尺癸巳中書上言大行

皇太后諡議合讀于太廟太祖室其日集兩省御史臺

五品已上尙書省四品已上諸司三品已上官于太廟

序立從之鎮州衛州奏水入城壞廬舍乙未制封第三

子鄴都雷守興聖宮使檢校太尉同平章事判六軍諸

衛事繼岌為魏王幸壽安陵庚子襄州奏漢江漲溢漂

溺廬舍是日命大舉伐蜀詔曰朕夙荷丕基乍平偽室

非不欲寵綏四海協和萬邦庶正朔以遐同俾人倫之

有序其或地居陬裔位極驕奢殊乖事大之規但蘊俞
安之計則必徵諸典訓振以皇威爰興伐罪之師冀遏
亂常之黨蠢茲蜀主世負唐恩間者父總藩宣任居統
制屬朱溫東離汴水致昭皇西幸岐陽不務扶持反懷
顧望盜據劍南之土字全虧闕外之忱誠先皇帝早在

并門將興霸業彼旣曾馳書幣此亦復展謝儀後又特
發使人專持聘禮彼則更不迥一介之使答咫尺之書
星歲俄移歡盟頓阻朕頃遵遺訓嗣統列藩追昔日之
來誠繼先皇之舊好累馳信幣皆絕酬還背惠食言棄
同卽異今觀孽豎紹據山河委閹宦以持權憑阻脩而
僭號早者曾上秦王緘札張皇蜀地聲塵形侮黷之言
辭謗親賢之勲德昨朕風驅銳旅電掃兇渠復已墜之
宗祧續中興之厯數捷音旋報復命仍稽陳狂計別啟奸
書題情動而先誇險固加以宋光葆輒陳莫大焉昨客
謀將欲北顧秦川東窺荆渚人而無禮罪莫大焉昨客
省使李嚴奉使銅梁近歸金闕凡于奏對備述端由其
宋光嗣相見之時于坐上便有言說先問契丹強弱次
數秦王是非度此苞藏可見情狀加以疎遠忠直朋比
奸雄內則縱恣輕華競貪寵位外則滋彰法令蠹耗生
靈旣德力以不量在神祇之共憤今命與聖宮使魏王
繼岌充西川四面行營都招討制置等使荆南節度使
西川京北西面行營都招討制置等使荆南節度使高季
興充西川東南面行營都招討制置等使鳳翔節度使李
供軍轉運應接等使同州節度使李令德充行營都招討
副使陝府節度使李紹琛充行營都招討制置等使

斬斫使西京留守張筠充西川管內安撫應接使華州
節度使毛璋充行營左廂馬步都虞候客省使李嚴充西川管內
璋充行營右廂馬步都虞候客省使李嚴充西川管內
招撫使總領闕下諸軍兼四面諸道馬步兵士取九月
十八日進發凡中外宜體朕懷辛丑授魏王繼岌諸
道行營都統餘如故繼岌既授都統之命以梁漢關充
中軍馬步都統餘如故繼岌既授都統之命以梁漢關充
步軍都指揮使牛景章充中軍都指揮使卓瓌充中軍都指揮使沈
斌充中軍右廂馬軍都指揮使卓瓌充中軍都指揮使沈
都指揮使王贊充中軍右廂馬步軍都監高品李廷安呂知柔充魏王
從襲充中軍馬步軍都監高品李廷安呂知柔充魏王
衙通謁詔工部尚書任圜翰林學士李愚參魏王軍事
丁未夕徧天陰雲北方有聲如雷野雉皆鳴俗所謂天
狗落戊申魏王繼岌樞密使侍中郭崇韜進發西征太
子少師致仕薛廷珪卒贈右僕射甲寅幸壽安陵司天
上言自七月三日大雨至九月十八日後方晴三辰行
度不見丁巳冬十月壬午癸吐渾突厥皆遣使者來戊
幸尖山射雁

子葬貞簡太后于坤陵

五代史冬十月庚申朔宰臣及
文武三品以上官赴長壽宮上

大行皇太后諡曰貞簡皇太后辛酉幸甘泉遂幸壽安
陵壬戌魏王繼岌率師至鳳翔先遣使馳檄以諭蜀部
丁卯奉皇太后尊諡寶冊赴西宮靈座宰臣盧革攝
太尉讀冊文吏部尚書李琪讀寶文百官素服班于長
壽宮門下奉慰淮南楊溥遣使進慰禮已巳中書上言
貞簡太后陵請以坤陵爲名從之初卜山陵帝欲祔于
代州武皇陵奏議天子以四海爲家不當分其南北乃
于壽安縣界別卜是陵丙子以前翰林學士戶部侍郎
馮道依前本官充職戊寅西征之師入大散關僞命鳳
州節度使王承捷故鎮屯駐指揮使唐景思次第迎降
得兵一萬二千軍儲四十萬又下三泉得軍儲三十餘
萬自是師無匱乏軍聲大振辛巳僞興州刺史王承鑑
成州刺史王承朴棄城遁去康延孝大破蜀軍于三泉
時王衍將幸秦州以其軍五萬屯于利州聞我師至遣
步騎三萬迎戰于三泉延孝與李嚴以勁騎三千擊之
蜀軍大敗斬首五千級餘衆奔潰王衍聞敗自利州奔
歸成都斷吉柏津浮梁而去丁亥文武百官上表以貞
簡皇太后靈駕發引請車駕不至山陵所戊子葬貞簡
太后于坤陵巳丑魏王繼岌至興州僞東川節度使宋
光祿以梓綿劍龍普五州來降武定軍使王承肇以達

蓬壁三州來降興元節度使王宗威以梁開通渠麟五
州來降階州刺史王承岳納符印請命秦州節度使王
承休棄城自扶州路奔于西川册府元龜三十一
年十月辛巳萬壽節宴長春殿賜百官分物

丁未高麗遣使者來已西蜀王衍降攻不戰君臣迎降

故直書其實以見下書殺衍為殺降五代春秋乙酉

三年正月契丹來寇幽州庚子帝幸鄴都遂幸德勝故

城庚辰帝還京師四月癸亥朔日有食之趙光允薨大

旱秋大水七月皇太后曹氏崩九月皇子繼岌郭崇韜

伐蜀十月葬皇太后于郭崇韜殺王宗弼及其弟宗渥

坤陵十一月蜀王衍降郭崇韜殺王宗弼及其弟宗渥

宗訓滅其族五代史十一月庚寅朔帝幸壽安號勸于

節度使徐州鄴都上言十月二十五日夜地大震康延

孝至利州脩吉栢津浮梁偽昭武軍節度使林思諤來
降辛丑魏王過利州帝賜王衍詔諭以禍福甲辰魏王
至劍州偽武信軍節度使王宗壽以遂合渝瀘忠五州
來降丁未高麗國遣使貢方物康延孝李嚴至漢州王
衍遣人送牛酒請降李嚴遂先入成都戊申祔貞簡皇

太后神主于太廟已酉魏王至綿州王衍遣使上牋歸
命庾戌皇弟鄆州節度使存霸滑州節度使存渥左金
吾大將軍晉州節度使存乂邢州節度使存紀並授起
復雲麾將軍右金吾大將軍同正荆南節度使高季興
奏收復歸夔忠等州辛亥魏王至德陽偽六軍使王宗
弼報王衍舉家遷于西宅宗弼權稱西川兵馬畱後又
報偽樞密使宋光嗣景潤澄宣徽使李周輅歐陽晃同
有異謀惑亂蜀主已梟斬訖王衍遣使上表請降
癸丑以吳越國馬步統軍使檢校太傅錢元球為檢校
太尉守侍中充靜海軍節度使乙卯魏王至西川城北
丙辰蜀主王衍出降語在衍傳丁巳大軍入成都法令
嚴峻市不易肆自興師凡七十五日蜀平得兵士三萬
兵仗七百萬糧三百五十三萬錢一百九十二萬貫金
銀共二十二萬兩珠玉犀象二萬紋錦綾羅五十萬得
節度州十郡六十四縣二百四十九已丑禮儀使奏貞
簡皇太后升祔禮畢一應宗廟伎樂及諸祀並請仍舊
從十二月已卯暎于白沙癸未至自白沙五代史十二
之雲州節度使李存敬為同州節度使以同州節度使檢
校太保同平章事李令德為遂州節度使以邠州節度

使檢校太保董璋爲劍南東川節度副大使知節度事
以華州節度使毛璋爲邠州節度使以左金吾大將軍
史敬鎔爲華州節度使丁卯以武寧軍節度副使李紹
文爲兗州觀察畱後庚午宴諸王武臣于長春殿始用
樂丙子以北京副畱守事太原尹孟知祥爲檢校太傅
同平章事成都尹劍南西川節度副大使知節度事西
山入國雲南都招撫等使以戶部尚書王正言爲檢校
吏部尚書守興唐尹充鄴都副畱守以鄴都副畱守興
唐尹張憲檢校吏部尚書太原尹充北京副畱守知畱
守事已卯以臘辰狩于白沙皇后皇子宮人畢從庚辰
次伊闕辛巳次潭泊壬午次龕澗癸未還宮是時大雪
苦寒吏士有凍踣于路者伊汝之民飢乏尤甚衛兵所
至責其供餉旣不能給因壞其什器撤其廬舍而焚之
甚于剽劫縣吏畏恐竄避于山谷間甲申出御札示中
書門下以今歲水災異常所在人戶流徙以避徵賦關
市之征抽納繁碎宜令宰臣商量條奏丙戌第三姑宋
氏封義寧大長公主長姊孟氏封瓊華閏月辛亥封弟
長公主第十一妹張氏封瑤英長公主閏月辛亥封弟
存美爲邕王存霸永王存禮薛王存渥申王存乂睦王

存確通王存紀雅王

五代史閏十二月甲午賜中書門下詔曰朕聞古先哲王臨御天下

上則以無偏無黨爲至治次則以足食足兵爲遠謀緬
惟前脩誠可師範朕纂承鳳歷嗣守鴻圖三載于茲萬
機是總非不知五兵未弭兆庶多艱蓋賴卿等寅亮居
懷康濟爲務冀盡數與之理洞詢蓋徹之規今則潛案
方區備聆謠俗或力役罕均其勞逸或賦租莫辨于後
先但以督促爲名煩苛不已被甲胄者何嘗充給趨朝
省者轉困支持州閭之貨殖全疎天地之災祥屢應以
至星辰越度旱勞不時農桑失業于邱園道殣相望于
郊野生靈及此寢食寧遑豈非朕德政未孚焦勞自拙
者耶朕昨親援毫翰軫念瘡痍一則詢爾謀猷一則表
予宵旰未披來奏轉撓于懷敢不翼翼罪躬乾乾軫慮
咨爾四岳弼予一人何不舉賢才裨寡昧百辟之內羣
臣之問莫不有盡忠者被掩其能抱器者艱陳其力或
草澤有遺逸之士山林多屈滯之人爾所不知吾將安
訪卿等位尊調鼎名顯代天旣逢不諱之朝何恫出衷
之說當宜厯告中外急訪英髦應在任及前資文武官
已下至草澤之士有濟國治民除姦革弊者並宜各獻
封章朕當選擇施行其近宣御札亦告諭內外體朕意

焉是時兩河大水戶口流亡者十四五都下供饋不充
軍士乏食乃有鬻子去妻老弱採拾于野殍踣于行路
者州郡飛輓旋給京師和庸使孔謙曰于上東門外佇
望其來算而給之加以所在泥潦輦運艱難愁嘆之聲
盈于道路四方地震天象乖越帝深憂之問所司濟贍
之術孔謙比以吏進故無保邦濟民之要務唯以急刻
賦歛爲事樞密承旨段徊奏曰臣見本依時或遇歲時
災歉國費不足天子將求經濟之要則內出朱書御札
以訪宰臣請陛下朝此故事行之卽命學士草詞帝親
札以訪宰臣非帝憂民之實也時宰相豆盧革等依阿
徇旨竟無所陳但云陛下威德冠天下今西蜀平定珍
寶甚多可以給軍水旱作沴天之常道不足以貽聖憂
中書李紹宏奏曰俟魏王旋軍之後若兵額漸多饋輓
難給請幸汴州以便漕輓時羣臣獻議者亦多大較詞
理迂闊不中時病唯吏部尙書李琪引古田租之法從
權救弊之道上疏言之帝優詔以獎之丁酉詔僞蜀私
署官員等惟名與器不可假人況是遐僻偏方僭竊僞
署因時亂而濫稱名位歸國體而悉合削除但恐當本
朝屯否之時有歷代簪纓之士旣陷彼土遂授僞官又
慮有曾受本朝遲恩當時已居班秩須爲升降不可通

同應僑署官至太師太傅及三少并太尉司徒司空侍
中中書令左右僕射已上並宜降至六尚書臨時更約
僑署高散大夫武班階至銀青爵僑署將相已下與
班降男餘散大夫武班階至銀青爵僑署將相已下與
開國男餘散大夫武班階至銀青爵僑署將相已下與
署節鎮伐罪之初率先向化及立功者宜委繼崇
貽臨時獎任其刺史但許稱使君不得更有檢校官其
偽署班行正四品已上酌此降黜五品已下如不曾經
本朝授官若才智有聞即許于府縣中量材任使如無
材智可錄止是蜀地土人並宜放歸田里如是西班有
稱統軍上將軍者若是本朝功臣子孫及將相之嗣並
據人材高下與諸衛小將軍府率中郎將次第授任如
是前將軍已下據人材堪任使者宜委西川節度使衙
前補押衙不堪任使者亦宜放歸田里應已前降官除
軍前量事迹不堪任使者外餘並稱前衙候朝廷續據才
使庚子彰武保大等節度使高萬興卒甲辰淮南楊溥
遣使朝貢乙巳以晉州節度使李存乂為鄜州節度使
以相州刺史李存確為晉州節度使丙午兩省諫官上
疏請車駕不巡幸汴州凡三上章乃允庚戌魏王繼岌
奏遣秦州副使徐藹賁書招諭南詔繼岌又奏點到兩川

馬九千五百三十四辛亥制皇第二弟存可封永王
第三弟存美可封邕王第四弟存確可封通王第七弟存紀可
存父可封睦王第六弟存確可封通王第七弟存紀可
封雅王是歲日傍有寶氣凡十三五代會要後唐同
光三年閏十二月勅初平僞蜀應僞署官員等官至大
師太傅及三少并太尉司徒司空侍中中書令左右僕
射已上並宜降至六尚書臨時更約高昇爲六行次第
階至開府特進金紫者文班降至朝議大夫武班降至
銀青爵如是舊僞署將相已上與開國男三百戶餘並
不許有封爵其有功臣名號並須削去如檢校官至郎
中員外郎兼侍御史已下如是僞署節鎮率先向化及
立功効者委行營都統緣事迹獎任如刺史除停罷外
有見任政績可稱者但許稱使君不得更有檢校及兼
官其僞署班行正官四品已上依此降絀五品已上如
不曾經本朝授官又無族望可稱材智有聞者卽許于
府縣官中量材任使如無材智可錄者並宜放歸田里
若西班有稱統軍上將軍者若本是功臣子孫及將相
之後並據人材高下與諸衛小將軍率府副率中郎將
次第授任如是小將軍已下堪任使者委西川節度使
補衙前押衙已下職所有歸降官除軍前任使下並稱

前銜續據
材行任使

四年春正月壬戌降死罪以下囚甲子魏王繼岌殺郭

崇韜及其三子于蜀

原注實皇后劉氏作教與繼岌使殺崇韜而書繼岌殺者繼岌將兵

在外后教非天子命可止而不止

戊寅契丹使梅老鞋里來庚辰殺其

弟睦王存乂及河中護國軍節度使李繼麟滅其族乙

酉沙州曹義金遣使者來丙戌回鶻阿咄欲遣使者來

丁亥殺李繼麟之將史武薛敬容周唐殷楊師太王景

來仁白奉國皆滅其族

五代史同光四年春正月戊午朔帝不受朝賀契丹寇渤海壬

戌詔以去歲災沴物價騰踊自今月三日後避正殿減膳撤樂以答天譴應去年遭水災州縣秋夏稅賦並與放免自壬午年已前所欠殘稅及諸色課利已有勅命放免者尙聞所在却有徵收宜令租庸司切準前勅處

分應京畿內人戶有停貯斛斗者並令減價出糶如不
遵行當令檢括西川王衍父子及僞署將相官吏除已
行刑憲外一切釋放天下禁囚除十惡五犯官典犯賊
屠牛毀錢放火劫舍持刀殺人準律常赦不原外應合
抵極刑者遞降一等其餘罪犯悉與減降逃背軍健並
放逐便癸亥河中節度使李繼麟來朝諸州上言華宣
爲去年十月地震集僧道起消災道場甲子魏王繼岌
授樞密使郭崇韜于西川夷其族丙寅百官上表請復
帝膳凡三上表乃允之西川行營都監李延安進西川
樂官二百九十八人契丹寇女真渤海戊寅契丹安巴
堅遣使貢良馬庚辰帝異母弟鄜州節度使存又伏誅
存又郭崇韜之子壻也故亦及于禍是日以河中節度
使守太師兼尙書令西平王李繼麟爲滑州節度使尋
令朱守殷以兵圍其第誅之亦夷其族辛巳吐渾奚各
遣使貢馬龔州上言部民凍死者七千二百六十人又
奏華宣進花果樹栽及抽樂人梅審鐸赴京甲申以鄆
州節度使王永存霸爲河中節度使以滑州節度使申
王存渥爲鄆州節度使乙酉內人景姦上言昭宗遇難
之時皇屬千餘人同時遇害爲三穴瘞于宮城西古龍
興寺北請改葬從之仍詔河南府監護其事丙戌回鶻

可汗阿都欲遣使貢良馬鎮州上言平棘等四縣部民
餓死者二千五十人丁亥詔朱友謙同惡人史武等七
人已當國法並籍沒家產武等友謙
舊將時皆為刺史並以無罪族誅
二月己丑宣徽南

院使李紹宏為樞密使癸巳鄴都軍將趙在禮反于貝

州原注反者皆不日獨在禮書日推迹其心可知爾其
事具本傳蓋在禮初無亂心以是日見迫而反爾雖
加以大惡之名猶原其本心而異于佗反甲午畋于冷
者于此見凡書人善惡不妄加之也如此

泉趙在禮陷鄴都武寧軍節度使李紹榮討之邢州軍
將趙太反東北面招討使李紹真討之甲辰成德軍節

度使李嗣源討趙在禮五代史二月己丑以宣徽南院
使知內侍省兼內勾特進右領

軍衛上將軍李紹宏為驃騎大將軍守左武衛上將軍
知內侍省充樞密使甲午以鄭州刺史李紹奇為河陽
節度使以樂人景進為銀青光祿大夫檢校右散騎常
侍守御史大夫進以俳優嬖幸善采訪閭巷鄙細事以

啟奏復密求妓媵以進恩寵特厚魏州錢穀諸務及招
兵市馬悉委進監臨孔謙附之以希寵常呼爲八哥諸
軍左右無不托附至于士人亦有因之而求仕進者每
入言事左右紛然屏退惟以陷害熒惑爲意焉是日帝
幸令泉校獵乙未宰臣豆盧革上言請支州縣官實俸
以責課效丙申武德使史彥瓊自鄴馳報稱今月六日
貝州屯駐兵士突入都城剽劫坊市初帝令魏博指揮
使楊仁晟率兵戍瓦橋至是代歸有詔令駐于貝州上
歲天下大水十月鄴地大震自是居人或有不亡去他郡
者每日族談巷語云城將亂矣人人恐悚皆不自安十
二月以戶部尙書王正言爲興唐尹知畱守事正言年
耄風病事多忽忘比無經治之才武德使史彥瓊者以
伶官得幸帝待以腹心之任都府之中威福自我正言
已下皆脅肩低首曲事不暇由是政無統攝姦人得以
窺圖泊郭崇韜伏誅人未測其禍始皆云崇韜已殺繼
茂自王西川故盡誅郭氏先是有密詔令史彥瓊殺朱
友謙之子澶州刺史建徽彥瓊夜半出城不言所往詰
旦聞報正言曰史武德夜半馳馬而去不知何往是日
人情震駭訛言云劉皇后以繼茂死于蜀已行弒逆帝
已晏駕故急徵彥瓊其言播于鄴市貝州軍士有私寧

親于都下者掠此言傳于貝州軍士皇甫暉等因夜聚
蒲博不勝遂作亂劫都將楊仁晟曰我輩十有餘年爲
國家効命甲不離體已至吞并天下主上未垂恩澤翻
有猜嫌防戍邊遠經年離阻鄉國及得代歸去家咫尺
不令與家屬相見今聞皇后弑逆京邑已亂將士各欲
歸府寧親請公同行仁晟曰汝等何謀之過耶今英主
在上天下一家從駕精兵不下百萬西平巴蜀威振華
夷公等各有家族何事如此軍人乃抽戈露刃環仁晟
曰三軍怨怒咸欲謀反苟不聽從須至無禮仁晟曰吾
非不知此但丈夫舉事當計萬全軍人卽斬仁晟裨將
趙在禮聞軍亂衣不及帶將踰垣而遁亂兵追及白刃
環之曰公能爲帥否否則頭隨刃落在禮懼卽曰吾能
爲之衆遂呼譟中夜燔劫貝郡詰旦擁在禮趨臨清剽
永濟館陶五日晚有自貝州來者言亂兵將犯都城都
巡檢使孫鐸等急趨史彥瓊之第告曰賊將至矣請給
鎧仗登陴拒守彥瓊曰今日賊至臨清計程六日方至
爲備未晚孫鐸曰賊來寇我必倍道兼行一朝失機悔
將何及請僕射率衆登陴鐸以勁兵千人伏于王莽河
逆擊之賊旣挫勢須至離潰然後可以翦除如俟其因
徒薄于城下必慮奸人內應則事未可測也彥瓊曰但

訓士守城何須卽戰時彥瓊疑孫鐸等有他志故拒之
 是夜三更賊果攻北門彥瓊時以部衆在北門樓聞賊
 呼噪卽時驚潰彥瓊單騎奔京師遲明亂軍入城孫鐸
 與之巷戰不勝攜其母自水門而出獲免晡晚趙在禮
 引諸軍據宮城署皇甫暉趙進等爲都虞候斬砍使諸
 軍大掠興唐尹王正言謁在禮望塵再拜是日衆推在
 禮爲兵馬留後草奏以聞帝怒命宋州節度使元行欽
 率騎三千赴鄴都招撫詔徵諸道之師進討丁酉淮南
 楊溥遣使賀平蜀已亥魏王繼岌奏康延孝擁衆反迴
 寇西川遣副招討使任圜率兵追討之庚子福建節度
 副使王延翰奏節度使王審知委權知軍府事邢州左
 右步直軍四百人據城叛推軍校趙太爲留後詔東北
 面副招討使李紹真率兵討之辛丑元行欽至鄴都進
 攻南門以詔書招諭城中趙在禮獻羊酒勞軍登城遙
 拜行欽曰將士經年離隔父母不取勅旨歸寧上貽聖
 憂追悔何及儻公善爲敷奏俾從渙汗某等亦不敢不
 改過自新行欽曰上以汝輩有社稷功必行赦宥因以
 詔書諭之皇甫暉聚衆大訴卽壞詔行欽以聞帝怒曰
 收城之日勿遺噍類壬寅行欽自鄴退軍保澶州甲辰
 從馬直宿衛軍士王溫等五人夜半謀亂殺本軍使爲

衛兵所擒磔于本軍之門丙午以右散騎常侍韓彥俛
爲戶部侍郎丁未鄴都行營招撫使元行欽率諸道之
師再攻鄴都戊申以洋州畱後李紹文爲夔州節度使
詔河中節度使王永存霸歸藩已酉以樞密使宋唐玉
爲特進左威衛上將軍充宣徽南院使庚戌諸軍大集
于鄴都進攻其城不克行欽又大治攻其城中知其無
救畫夜爲備朝廷聞之益恐連發中使促繼發西征之
師繼發以康延孝據漢州中軍之士從任圜進討繼發
端居利州不獲東歸遣使貢方物西京上言客省使李
人至辛亥淮南楊溥遣使貢方物西京上言客省使李
嚴押蜀主王衍至本府壬子以守太尉中書令河南尹
兼河陽節度使齊王張全義爲檢校太師兼尚書令充
許州節度使東川董璋奏華詔誅遂州節度使李令德
于本州夷其族癸丑湖南馬殷奏福建節度使王審知
疾甚副使王延翰已權知軍府事請降旄節司天監上
言自二月上旬後晝夜陰雲不見天象自二十六日方
晴至月終星辰無變以右衛上將軍朱漢賓知河南府
事甲辰命蕃漢總管李嗣源統親軍赴鄴都以討趙在
禮帝素倚愛元行欽鄴城軍亂卽命爲行營招討使久
而無功時趙太據邢州王景戡據滄州自爲畱後河朔

郡邑多殺長吏帝欲親征樞密使與宰臣奏言京師者
天下根本雖四方有變陛下宜居中以制之但命將出
征無煩躬御士伍帝曰紹榮討亂未有成功繼岌之軍
尚畱巴漢餘無可將者斷在自行樞密使李紹宏等奏
曰陛下以謀臣猛將取天下今一州之亂而云無可將
者何也總管李嗣源是陛下宗臣創業已來艱難百戰
何城不下何賊不平威畧之名振于夷夏以臣等籌之
若委以專征鄴城之寇不足平也帝素寬大容納無疑
于物自誅郭崇韜朱友謙之後閣宦伶官交相讒諂邦
國大事皆聽其謀繇是漸多猜惑不欲大臣典兵既聞
奏議乃曰予恃嗣源侍衛卿當擇其次者又奏曰以臣
等料之非嗣源不可河南尹張全義亦奏云河朔多事
久則患生宜令總管進兵如倚李紹榮輩未見其功帝
乃命嗣源行營是日延州知州白彥琛奏綏銀兵士剽
州城謀叛魏王繼岌傳送郭崇韜父子首函至關下詔
張全義收瘞之乙巳以右武衛上將軍李肅為安邑解
縣兩池權鹽使以吏部尚書李琪為國計使冊府元
龜同光四年二月有司奏偽蜀主王衍到闕日在禮差
官告太微宮太廟大三月趙太伏誅李嗣源反博州守
稷武成王廟從之

將翟建自稱刺史甲子殺王衍滅其族

原注許其不死降而殺之又滅

其族於殺非罪此為甚而書無異辭者前書行降義自見也

乙丑如汴州壬申次榮

澤龍驤指揮使姚彥溫以前鋒軍叛降于李嗣源嗣源

入于汴州甲戌至自萬勝

原注帝至萬勝鎮開

從駕直

指揮使郭從謙反

五代史三月丁未朔李紹真奏收復邢州擒賊首趙太等二十一人徇于

鄴都城下皆磔于軍門庚戌李紹真自邢州赴鄴都城

下辛亥以威武軍節度副使福建管内都指揮使檢校

太傅守江州刺史王延翰為福建節度使依前檢校太

傅壬子李嗣源領軍至鄴都營于西南隅甲寅進營于

觀音門外下令諸軍詰旦攻城是夜城下軍亂迫嗣源

為帝遲明亂軍擁嗣源及霍彥威入于鄴城復為皇甫

暉趙進等所脅嗣源以詭詞得出夜分至魏縣時嗣源

遙傾鎮州詰旦議欲歸藩上章請罪安重誨以為不可

語在明宗紀中翼日遂次于相州元行欽部下兵退保

衛州以飛語上奏嗣源一日之中遣使上章申理者數

四帝遣嗣源子從審與中使白從訓查詔以諭嗣源行至魏州從審爲元行欽所械不得達是日西面行營副招討使任園奏收復漢州擒逆賊康延孝丙辰荆南高季興上言請割峽內夔忠萬等三州却歸當道依舊管係又請雲安監初將議伐蜀詔高季興令率本軍上峽自收元管屬郡軍未進夔忠萬三州已降季興數請之因賂劉皇后及宰臣樞密使內外叶附乃俞其請戊午詔河南府預借今年夏秋租稅時年饑民困百姓不勝其酷京畿之民多號泣于路議者以爲劉盆子復生矣庚申詔潞州節度使孔勣赴闕以右龍虎統軍安崇阮權知潞州是日忠武軍節度使齊王張全義薨壬戌宰臣豆盧革率百官上表以魏博軍變請出內府金帛優給將士不報時知星者上言客星犯天庫宜散府藏久云流星犯天棊主御前有急兵帝召宰臣于便殿皇后出宮中收匱銀盆各二并皇子滿哥三人謂宰臣曰外人謂內府金寶無數向者諸侯貢獻旋供賜與今宮中有者狀匱嬰孺而已可鬻之給軍革等惶恐而退癸亥以僞置昭武軍節度使林思謬爲閬州刺史是日出錢帛給賜諸軍兩樞密使及宋唐王景進等各貢助軍錢幣是時軍士之家乏食婦女掇蔬于野及優給軍人皆

貧物而詬曰吾妻子已殍矣用此奚爲甲子元行欽自
衡州率部下兵士歸帝幸耀店以勞之西川輦運金銀
四十萬至闕分給將士有差元行欽請車駕幸汴州帝
將發京師遣中官向延嗣馳詔所在誅蜀主王衍仍夷
其族乙丑車駕發京師戊辰遣元行欽將騎軍王衍仍夷
向壬申帝至滎澤以龍驤馬軍八百騎爲前軍遣姚彥
溫董之彥溫行至中牟率所部奔于汴州時潘瓌守王
村寨有積粟數萬亦奔汴州是時李嗣源已入汴帝
聞諸軍離散精神沮喪至萬勝鎮卽命旋師登路旁荒
塚置酒視諸將流涕俄有野人進雉因問塚名對曰里
人相傳爲愁臺帝彌不悅罷洒而去是夜次汜水初帝
東出關從駕兵二萬五千及復至汜水已失萬餘騎乃
畱秦州都指揮使張瑋以步騎三千守關帝過髡子谷
道路險狹每遇衛士執兵仗者皆善言撫之曰適報魏
王繼岌又進納西川金銀五十萬到京當盡給爾等軍
士對曰陛下賜與太晚人亦不感聖恩帝流涕而已又
索袍帶賜從官內庫使張容哥對曰願聖帝流涕而已
容哥曰致吾君社稷不保是此禍不散軍人歸罪于吾
獲免容哥謂同黨曰皇不后惜此禍因投河而死甲戌
事若不測吾輩萬段願不見此禍因投河而死甲戌次

石橋帝置酒野次悲啼不樂謂元行欽等諸將曰鄴下
亂離寇盜蜂起總管迫于亂軍存亡未測今訛言紛擾
朕實無聊卿等事予已來富貴急難無不共之今茲危
蹙賴爾籌謀而竟默默無言坐觀成敗予在榮澤之日
欲單騎渡河訪求總管面爲方畧招撫亂軍卿等各吐
胸襟共陳利害今日俾予至此卿等如何元行欽等各百
餘人垂泣而奏曰臣本小人蒙陛下撫養位極將相等危
難之時不能立功報主雖死無以塞責乞申後効以報
國恩于是百餘人皆援刀截髮置鬚于地以斷首自誓
上西征兵士到京見于上東門外晡晚帝還宮初帝在
署西征兵士到京見于上東門外晡晚帝還宮初帝在
記水衛兵散走京師恐駭不寧及帝至人情稍安乙亥
百官進名起居安義節度使孔勅奏黠校兵士防城準
詔運糧萬石進發次時勅已殺監軍使據城詭奏也丙
子樞密使李紹宏與宰相豆盧革韋說會于中興殿之
廊下商議軍機因奏魏王西征兵士將至車駕且宜控
記水以俟魏王從之午時帝出上東門夏四月丁亥朔
親閱騎軍誠以詰旦東幸申時還宮
皇帝崩原注年四十三帝尸爲伶人焚之明宗入洛得
其骨燼天成元年七月葬之河南新安縣號雍

陵至晉避廟諱更曰伊陵其不書葬與梁太祖同
代史四月丁丑朔以永王存霸爲北都留守申王存渥
爲河中節度使是日車駕將發京師從駕馬軍陳于寬
仁門外步兵陳于五鳳門外帝內殿食次從馬直指揮
使郭從謙自本營率所部抽戈露刃至興教門大呼與
黃甲兩軍引弓射興教門帝聞其變自宮中率諸王近
衛禦之逐亂兵出門旣而焚興教門緣城而入登宮牆
譴譟帝御親軍格鬪殺亂兵數百俄而帝爲流矢所中
亭午崩于絳霄殿之廡下時年四十三是時帝之左右
例皆奔散唯五坊人善友施煒一注鵬翻煒下
樂器簇于帝屍之上發火焚之及明宗入洛止得其燼
骨而已天成元年七月丁卯有司上謚曰光聖仁閔孝
皇帝廟號莊宗是月丙子葬于雍陵史臣曰莊宗以雄
圖而起河汾以力戰而平汴洛家讎旣雪國祚中興雖
少康之嗣夏配天光武之膺圖受命亦無以加也然得
之孔勞失之何速豈不以驕于驟勝逸于居安忘櫛沐
之艱難徇色禽之荒樂外則伶人亂政內則牝雞司晨
斯佞貨財激六師之憤怒徵收輿賦竭萬姓之脂膏大
臣無罪以獲誅衆口吞聲而避禍夫有一于此未或不
亡矧咸有之不亡何待靜而言之足以爲萬世之炯誠

也 五代會要四年四月一日京城軍亂崩于絳霄殿
之廊下年四十二天成元年七月二十二日葬雍陵在
洛京新安縣至晉天福二年正月以犯廟諱改爲伊陵
諡曰光聖神閔皇帝廟號莊宗哀冊文申書侍郎平章
事韋說撰謚冊文門下侍郎平章事豆盧革撰謚議太
常卿崔協撰年號一同光盡四年宰相五人豆盧革韋
說盧程郭崇韜趙光允使相三十二人李茂貞錢鏐馬
英張全義王審知高萬興馬存馬寶錢元璪錢元球馬
希振李仁福韓洙高季興朱友謙丁會李曦孔勅袁象
先符習溫韜朱令德符存審魏王繼岌李存渥李存璋
李存霸郭崇韜孟知祥五代春秋丙戌四年正月皇
子繼岌害郭崇韜于蜀帝殺弟存父及李繼麟二月康
延孝據漢州拒命盜發貝州誅康延孝李嗣源入于鄴都
都三月任圜帥師克漢州誅康延孝李嗣源入于鄴都
殺王衍乙丑帝幸汴州次中牟李嗣源入汴州帝還京
師四月丁亥朔郭從謙弑逆帝崩于絳霄殿五代史
闕文莊宗嘗因博戲觀戲子采有暗相輪者心悅之乃
自置暗箭格凡博戲並認采之在下者及同光末鄴都
兵亂從謙以兵犯興教門莊宗禦之中流矢而崩識者
以爲暗箭之應 續長編宋開寶四年十一月時內臣

有左飛龍使李承進者逮事後唐上問曰莊宗好畋獵務姑息將
定中原享國不久何也承進曰莊宗好畋獵務姑息將
士每出次近郊禁兵衛卒必控馬首告兒郎輩寒令望
與救拯莊宗卽隨其所欲給之如此非一失於禁戢因
而兆亂蓋威令不行賞資無節也上撫髀嘆曰二十年
夾河戰爭取得天下不能費用軍法約束此輩縱其無厭
之求以茲臨御誠爲兒戲文獻通考後唐莊宗實錄
三十卷陳氏曰監脩趙鳳史官張昭遠撰天成四年上
又三朝見聞錄八卷陳氏曰不知作者起乾符戊戌至
天祐末年及莊宗中興後河東事跡三朝者僖昭莊也
其文直述多鄙俚又莊宗召福記一
卷陳氏曰後唐中書舍人黃彬撰

五代史記卷第五下